

賜板

訂正東醫寶鑑

十五

雜病篇七

痰瘧

瘟疫

邪祟

癰疽上

ヤ 9

905

17



門ヤ 9
號 905
卷 17

ヤ 9
658

訂正東醫寶鑑雜病篇卷之七

御醫忠勤貞亮扈聖功臣崇祿大夫陽平君臣許浚奉教撰

痰癘

癘病之源

內經曰夏傷於暑秋為痰癘。○夏暑汗不出者秋成風癘。內經。○秋善病風癘。又曰魄汗未盡形弱而氣燄穴俞以開發為風癘。內經。○風成為寒熱。又曰因於露風乃生寒熱。內經。○風氣盛於皮膚之內內不得通外不得泄腠理開則洒然寒閉則熱而悶。名曰寒熱。內經。○夏傷於暑秋必病癘。蓋傷之淺者近而暴傷之重者遠而痰癘者久癘也是知夏傷於暑溼熱閉藏而不能發泄。外邪氣內行至秋而發為癘也。保命。○癘之為病以暑舍于榮衛之間得秋之風寒所傷而後發亦有非暑因風寒感冒而得之者在於陽則發熱在於陰則發寒。竝則病作離則病止。作止故有

東醫寶鑑雜病篇卷之七

時在氣則發早，在血則發晏。淺則日作，深則間。日或在頭項，或在背脊中，或在腰脊。雖上下遠近之不同，在太陽則一也。東垣○大法風暑當發汗，夏月多在風涼處，歇遂閉其汗而不泄，故也。丹心○病氣如凌虐人之狀，又日瘧有凌虐之狀，在傷寒久則為壞證，在內傷久則為勞瘵。然則豈羨疾哉？門入瘧之始發也，先起於毫毛，伸欠乃作寒，慄鼓頷，腰脊俱痛，寒去則內外皆熱，頭痛如破，渴欲飲冷。內經○夫陰陽上下交爭，虛實更作，陰陽相移也。陽並於陰，則陰實而陽虛；陽明虛，則寒慄；鼓頷，巨陽虛，則腰背頭項痛；三陽俱虛，則陰氣勝，陰氣勝，則骨寒而痛，寒生於內，故中外皆寒；陽盛則外熱，陰虛則內熱，內外皆熱，則喘而渴，故欲冷飲也。內經○夫瘧之始發也，陽氣並於陰，當是之時，陽虛而陰盛，外無氣，故先寒慄也；陰氣逆極，則復出之，陽陽與陰復並於外，則陰虛而陽實，故先熱而渴。夫瘧氣者，並於陽則陽勝，並於陰則陰勝，陰勝則寒，陽勝則熱。內經○衛虛則先寒，榮虛則

瘧疾形證

脉法

先熱表邪多，則寒多；裏邪多，則熱多。表裏相半，寒熱相等。入門○人之榮衛晝行於陽，陽則表也；夜行於陰，陰則裏也。榮衛行到病所，不通乃作寒戰，鼓振頭頷，中外皆寒，腰脊俱痛。此邪氣入於內也。寒戰俱已，內外皆熱，頭痛如破，渴欲飲冷，煩滿欲吐，自汗，此邪氣發於外也。丹心○暑瘧單熱，溼瘧多寒，寒瘧先寒後熱，風瘧先熱後寒，餘皆先寒後熱。入門瘧脉自弦，弦數多熱，弦遲多寒。弦小緊者，宜下之。弦遲者，可溫之。弦緊者，可發汗。浮大者，可吐之。弦數者，風發也。以飲食消息止之。要畧○瘧脉自弦，微則為虛，代散則死。脉訣○瘧脉自弦，弦遲多寒，弦數多熱。隨時變遷。脉訣○瘧脉多弦，但熱則弦而帶數，寒則弦而帶遲。亦有病久而脉極虛微，而無力，似乎不弦，然而必於虛數之中見弦，但不搏手耳。細察可也。丹心○弦短者，傷食，弦滑者，多痰。虛微無力為久瘧。醫鑿○瘧脉遲緩者，病自愈。同春

寒熱先後

瘧先寒而後熱者出夏傷於大暑其汗大出腠理開發因遇夏氣變滄之水寒藏於腠理皮膚之中秋傷於風則病成矣夫寒者陰氣也風者陽氣也先傷於寒而後傷於風故先寒而後熱也病以時作名曰寒瘧內經。先熱而後寒者由先傷於風而後傷於寒故先熱而後寒亦以時作名曰溫瘧內經。其但熱而不寒者陰氣先絕陽氣獨發則少氣煩冤手足熱而欲嘔名曰瘴瘧瘵謂熱也內經

寒熱往來

病有洒淅惡寒而復發熱者何也日陰脉不足陽往從之陽脉不足陰往來之何謂陽不足假令寸脉微名曰陽不足陰氣上入陽中則洒淅惡寒何謂陰不足假令尺脉弱名曰陰不足陽氣下陷入陰中則發熱也仲景。陽微則惡寒陰微則發熱大抵陰不足陽往從之故內陷而發熱陽不足陰往來之故陰氣上入陽中則惡寒仲景。○陽不足則陰邪出表而與陽爭乃陰勝而為寒

瘧發日數多少

也陰不足則陽邪入裏而與陰爭乃陽勝而為熱也若邪入而正氣不與之爭則但熱而無寒矣陽不足則先寒陰不足則先熱表邪多則寒多裏邪多則熱多半表半裏則寒熱相等乍往乍來而間作也入門。○瘵者少陽也少陽者東方之氣也逆行則發寒順行則發熱故分之氣異往來不定也東垣。○身後為太陽太陽者膀胱水寒也身前為陽明陽明者大腸金燥也少陽之邪在其中近後勝膀胱則惡寒近前陽明燥則發熱故為往來寒熱也東垣。○甚者內外失守真邪不分陰陽迭勝寒熱互起則休作無定時矣直指

夏傷於暑熱氣盛藏於皮膚之內腸胃之外因秋遇風及得之於浴水氣舍於皮膚之內與衛氣並居衛氣者晝日行於陽夜行於陰此氣得陽而外出得陰而內薄內外相薄是以日作內經。○衛氣與邪相並則病作與邪相離則病休其並於陰則寒並於陽則熱離於陰則寒

已離於陽則熱已至次日又集而並合則復病也
綱目 ○其間日發者由邪氣內薄於五藏橫連募
原也其道遠其行遲不能與衛氣俱行不得皆出
故間日乃作也 內經 ○時有間二日或至數日發
或渴或不渴其故何也日其間日者邪氣與衛氣
客於六府而有時相失不能相得故休數日乃作
也癘者陰陽更勝也或甚或不甚故或渴或不渴
內經 ○三日一發者受病一年間日一發者受病
半年連日發者受病一月二日連發住一日者氣
血俱受病也又日三日一發陰經受病也最重丹
心 ○陽為府邪淺與榮衛並行一日一發 ○陰為
藏邪深橫連募原不能與正氣並行故間日蓄積
乃發或二三四日一發
久則必為癘母 入門

癘發有晝夜早晏之異

帝曰其作日晏與日早者何氣
使然岐伯曰邪氣客於風府循
而下衛氣一日一夜大會於風府其明日日下
一節故其作也晏此先客於脊背也每至於風府

則腠理開腠理開則邪氣入邪氣入則病作以此
作日稍益晏也其出於風府日下一節二十五日
下至骶骨二十六日入於脊內注於伏膂之脉其
氣上行九日出于缺盆之中其氣日高故作日益
早也 內經 ○陽為晝發邪淺榮衛晝行昔與脊故
也 ○陰為夜發邪深榮衛夜行胃與腹故也 ○陽
為子時至巳陰為午時至亥如發寅卯而退於未
申或發未申而退於子丑皆謂之陰陽不分須用
藥趨早或移時分定陰陽然後陽癘截住陰癘升
散 入門 ○從卯至午發者邪在外也從午至酉發
者邪在內也從酉至子發或至
寅發者知邪在血分也 保命

六經癘

夏傷於暑秋必病癘初不知何經受病隨其受
而取之有中三陽者有中三陰者大抵經中邪
氣其證各殊在太陽經者謂之寒癘治多汗之在
陽明經者謂之熱癘治多下之在少陽經者謂之
風癘治多和之此三陽受病皆謂暴癘發在夏至
後處暑前此乃傷之淺者近而暴也 ○在陰經者

則不分三陰皆謂之溫瘧其發在處暑後冬至前此乃傷之重者遠而深也痰瘧者老瘧也故謂之久瘧保命○傷寒餘熱未淨重感於寒而變瘧名曰溫瘧亦曰風瘧此為傷寒壞病其證先熱後寒入門○瘧屬三陽宜汗宜吐瘧屬三陰宜下宜和宜溫正傳○太陽瘧宜桂枝羌活湯麻黃羌活湯○陽明瘧宜人參白虎湯柴胡芩湯○少陽瘧宜柴胡桂枝湯柴胡加桂湯○三陰溫瘧宜白虎桂枝湯麻黃白朮湯或小柴胡合四物湯名曰柴胡四物湯○太陽陽明合病瘧宜湯桂枝石膏湯三陽合病瘧宜桂枝黃芩湯以和之保命

桂枝羌活湯

治太陽瘧自汗頭項痛腰脊強桂枝羌活防風甘草各一錢半右剉作一貼水煎服

煎服
細目

麻黃羌活湯

治太陽瘧無汗即前方去桂枝加麻黃也劑法服法同上細目

柴胡桂枝湯

治少陽瘧寒熱往來乍來柴胡二錢桂枝黃芩人參芍藥半夏各一錢甘草五分分右剉一貼入薑三棗二水煎服入門

柴胡加桂湯

治少陽瘧往來寒熱極驗柴胡三錢黃芩桂枝各二錢半夏一錢甘草四分右剉作一貼入薑三棗二水煎服入門

白虎桂枝湯

溫瘧者其脉如平身無寒但熱骨節煩疼時便難朝發暮解暮發朝解此藥主之石膏四錢知母二錢桂枝甘草各一錢粳米一合右剉作一貼水煎服正一名加減桂枝湯得效

麻黃白朮湯

治風瘧麻黃桂皮青皮陳皮川芎白芷半夏獼猴紫蘇蘇葉赤茯苓白朮桔梗細辛檳榔甘草各七分右剉作一貼入薑三棗二水煎服直指

柴胡四物湯

治三陰經溫瘧或夜發者柴胡生乾地黃各二錢人參半夏黃芩甘草川芎當

歸赤芍藥各一錢右剉作
一貼入薑二棗二水煎服

桂枝芍藥湯

治瘧寒熱大作此太陽陽明合病也謂
之太爭寒熱作則必戰動發熱則必汗
泄經日汗出不愈知為熱也不治則恐久而傳入
陰經宜用此桂枝一錢赤芍藥知母石膏黃芩各
二錢右剉作一
貼水煎服保命

桂枝石膏湯

治太陽陽明合病間日瘧熱多寒少石
膏知母各三錢黃芩二錢桂枝一錢右
剉作一貼水
煎服之入門

桂枝黃芩湯

服桂枝芍藥湯後寒熱轉甚者知太陽
陽明少陽合病也宜用此和之柴胡二
錢石膏知母各一錢半黃芩人參半夏
一錢二分桂枝一錢右剉作一貼水煎服
保命

瘧晝發夜發五分治

氣虛晝發宜六君子湯方見痰門
補中益氣湯方見內傷加半夏黃

苓○血虛夜發宜柴胡四物湯方見上
氣湯方見寒門麻黃黃芩湯柴胡芍藥湯諸方

麻黃黃芩湯

治夜發瘧麻黃三錢黃芩二錢甘草一
錢半桂心一錢桃仁十五枚右剉作一
貼水煎服○桃仁味苦甘辛肝者血之海血
受邪則肝氣燥經所謂肝苦急急食甘以緩之桃
仁散血緩肝謂邪氣深遠而入血故夜發乃陰經
有邪此麻黃黃芩湯乃發散血中風寒之劑也

柴胡芍歸湯

治夜發陰瘧引出陽分而散後服人參
截瘧飲止之柴胡乾葛川芎各一錢桂
根當歸赤芍藥人參厚朴白朮茯苓陳皮各七分
紅花甘草各三分右剉作一貼入薑二棗二梅
水煎服
四春

諸瘧證治

瘧有風瘧寒瘧熱瘧溼瘧痰瘧食瘧
勞瘧鬼瘧疫瘧瘴瘧痲瘧老瘧諸方

風瘧

自感風而得先熱後寒宜麻黃白朮湯無
汗則宜散邪湯有汗則宜正氣湯入門

瘧疾證治

六

寒瘧

自感寒而得寒多熱少宜人參養胃湯方見寒門
交解飲果附湯草果飲柴胡桂薑湯。一名牝瘧
入門

熱瘧

因暑勝熱多得之。一名痺瘧亦曰暑瘧宜人參白
虎湯柴苓湯二方見寒門柴胡知母湯爭功散龍
虎湯
入門

溼瘧

因冒襲雨溼汗出澡浴得之寒熱相半小便
不利宜五苓散方見寒門加蒼朮川芎羌活入門
因外感內傷鬱聚成痰頭痛肉跳吐食嘔沫甚則
昏迷卒倒宜柴陳湯加草果或四獸飲冷附湯久
不止以露薑飲截之入門。有人忽得瘧疾嘔吐
異常以一二陳湯方見瘧門加人參縮砂倍用白豆
蔻進一二貼自然寒熱不作蓋白豆蔻能消
能磨流行一二焦榮衛一轉寒熱自平也直指

痰瘧

食瘧

一名胃瘧因飲食失節飢飽有傷所致寒已復熱
熱已復寒寒熱交併苦飢而不能食食則吐痰經

勞瘧

日寒熱善飢而不能食食已支滿腹脹病以日作
名曰胃瘧是也宜平陳湯加枳實白朮山楂子神
加青皮檳榔縮砂白豆蔻亦佳 諸方

即久瘧也寒熱微寒中有熱熱中有寒最難調
治由表裏俱虛真氣未復疾雖暫止小勞復來經
年不差宜芎歸龍中散常山飲五勞丸六和湯烏
頭七棗湯露薑養胃湯十將軍丸一補一發丹辰
砂丸養胃丹諸方。久瘧屬元氣虛寒蓋氣虛則

寒血虛則熱胃虛則惡寒脾虛則發熱陰火下流
則寒熱交作或吐涎不食或泄瀉腹痛手足逆冷
寒戰如慄皆脾胃虛弱也但服補中益氣湯方見
內傷諸證悉愈若投清

鬼瘧

因感尸疰客忤寒熱日作夢寐不祥多生恐怖宜
辟邪丹雄朱丹或燒人場土作丸塞男左女右鼻
門入中

疫癘 一方長幼相似或深時行行變或寒熱須參運氣用藥宜不換金正氣散 方見寒門 如意丹五瘟丹癘痺丸 三方見瘟夜

瘴癘 挾山溪嵐瘴蒸毒之氣令人迷困發在或嘔吐寒作熱作有乍無南方多病此宜雙解飲子地龍飲羌活蒼朮湯瘴疽丸 方

痲癘 者老癘也以其隔二三日一發纏綿不去也 綱目 三日一作邪入於三陰經也作於子午卯酉且者少陰經癘也作於寅申巳亥且者厥陰經癘也作於辰戌丑未且者太陰經癘也癘得於暑當以汗解夫感冒與風皆外邪也故非汗多不解必先與參朮等補劑為君加柴葛等發散藥漸而收汗得汗而虛又行補養下體屬陰最難得汗補藥力到汗出至足方是佳兆 丹心 ○老癘係風暑之邪入在陰分宜用血藥引出陽分而散古方多用峻劑恐非所宜 丹心 ○若感病極淺雖得大汗所感

之邪必自藏傳出至其發無時必亂而失期若發於午之後寅之前者血受病也為難愈須漸趨早亦是佳兆故治此病春夏為易秋冬為難非有他也以汗之難易為優劣也 丹心 ○凡癘經年不差謂之老癘必有痰水瘀血結成痞塊藏於腹脇作脹且痛乃癘母也雖內虛非常山檳榔決不能除但須製熟則不損胃老癘丸是也血虛者宜鼈甲丸有水癖者暫用消癖丸以補脾化痰湯藥輔之且量虛實用老癘飲 入門 ○老癘宜七棗湯鼈甲飲子參歸鼈甲散秘方清脾丸經效癘丹黃甲丸

微邪湯 治風癘初起川芎白花麻黃白芍藥防風荆芥紫蘇葉羌活各一錢甘州五分右剉作一

貼入薑二三葱白二三蒸煎 醫鑑 一宿早晨溫服

正氣湯 治同上柴胡前胡川芎白芷半夏麥門冬檳榔草果青皮赤茯苓各一錢桂枝甘州各五

良醫寶鑑卷之七

分右剉作一貼入薑
三棗二水煎服醫醫

交解飲 治寒瘧即雙解
飲子也方見下

果附湯 治脾寒瘧疾面青振寒草果附子炮各二錢
半右剉作一貼入薑七棗二水煎服入門

草果飲 治寒瘧草果白芷良薑青皮川芎紫蘇葉
甘艸各一錢右剉作一貼水煎服直指

柴胡桂薑湯 治邪在半表裏寒熱往來極驗柴胡三
錢桂枝牡蠣各一錢半天花粉黃芩各

一錢乾薑甘艸各八分右
剉作一貼水煎服入門

柴胡知母湯 治熱瘧及瘴瘧柴胡知母各一錢半蒼
朮黃芩乾葛陳皮半夏川芎各一錢甘

艸炙七分右剉作一貼入薑三梅二水煎清
晨服午前又一服久瘧加入參當歸節齋

爭功飲 治熱瘧多效知母貝母柴胡常山梔子檳榔
地骨皮甘草各一錢蠟退二七箇右剉作一

貼入桃柳枝各五寸煎服未效
加過路葛藤五寸同煎服得效

龍虎湯 治熱瘧火盛舌卷唇焦鼻如烟熏六脉洪緊
石膏二錢半柴胡黃連各一錢半黃芩知母

黃栢各一錢梔子八分半夏七分粳米百
粒右剉作一貼入薑三棗二水煎服醫醫

柴陳湯 治瘵瘧柴胡半夏各三錢入參黃芩陳皮赤
茯苓各一錢甘艸五分右剉作一貼薑三棗

二水煎
服入門

四獸飲 治七情聚痰五藏氣虛瘧久不已入參白朮
白茯苓陳皮半夏草果甘艸烏梅生薑大棗

各一錢右剉作一貼拌鹽少許淹食頃以皮紙包
裹水浸溼慢火煨香熟取出水煎服未發前連進

數貼即
效得效

冷附湯 瘧疾無過是痰實而脾胃弱停于胃膈所以
五更冷服使藥下達壯脾胃去痰實也大附

子一箇炮去皮臍右切片分二貼每一貼入薑十片水煎去滓露一宿五更初冷服得效

露薑飲

治痰癆生薑四兩連皮搗爛止取自然汗約明日當發隔夜安排將紗片蓋露一宿五更初澄者一上飲之或有痰吐任之即安得效

平陳湯

治食癆蒼朮半夏各二錢厚朴陳皮赤茯苓各一錢三分半甘州七分右剉作一貼薑二棗二水煎服入門

清脾飲

治食癆柴胡半夏黃芩草果白朮赤茯苓厚朴青皮各一錢甘州五分右剉作一貼入薑三棗二水煎服此方乃小柴胡平胃二陳合而為一也一方加常山二錢煎之露服五更截癆余入不吐為妙一棗清脾湯入門

小清脾湯

治胃癆厚朴二錢烏梅肉半夏青皮良薑各一錢草果甘草各五分右剉作一貼薑

芎歸鼈甲散

治勞癆鼈甲二錢川芎當歸赤茯苓赤芍藥半夏陳皮青皮各一錢烏梅一箇右剉作一貼入薑五棗二水煎服入門

常山飲

治勞癆常山知母草果各一錢半良薑一錢烏梅肉甘州各五分右剉作一貼入薑五棗二水煎服入門

五勞丸

治勞癆及瘴癘常山三兩半桃仁一兩二錢辣桂七錢半淡豉三兩半烏梅肉二兩半右月乾為末蜜丸梧子大空心溫酒下三四十九直指

六和湯

治癘久不愈常山二錢知母貝母人參草果白芷烏梅檳榔柴胡各一錢右剉作一貼入薑三棗二酒水相半同煎露一宿臨發日服之丹心

烏頭七棗湯

治勞瘵及寒瘧大川烏一箇以鹽水浸
炮七次去皮臍右剉分二貼每貼入薑
七棗七葱白三三水煎稍
冷先喫棗乃服藥直指

露薑養胃湯

治久瘵三五日一發者先以生薑四兩
搗取自然汁露一宿次早將入參養胃
湯方見寒門一貼入棗二梅一一同
煎去滓和薑汁空心溫服醫鑿

十將軍丸

治久瘵及瘵母綱砂檳榔常山艸果各二
兩三稜蓬朮青皮陳皮烏梅半夏各一兩
右先將常山草果酒醋各一椀浸一宿後入八味
同浸至晚炭火煮乾為末酒醋各半打糊和丸梧
子大白湯下三四十九丸且二
服服至八兩即除根丹心

一補一發丹

治久瘵內傷挾外感間發內治痰外發
汗赤茯苓一兩半夏陳皮柴胡黃芩蒼
朮葛根各七錢常山三錢右為末麵
糊和丸梧子大白湯下七十九丸
八門

辰砂丸

治久瘵不損元氣辰砂阿魏真者各一兩右
研勻稀米糊和丸皂角子大空心以人參湯
化下丸得效

養胃丹

治久瘵二三年不愈者蒼朮常山酒蒸各二
兩半夏陳皮厚朴各一兩半赤茯苓藿香
果各一兩甘艸炙五錢烏梅四十九箇取肉右為
末淡薑湯打糊和丸梧子大薑湯下五七十九丸
醫鑿

辟邪丹

治嵐瘴鬼瘵葶豆雄黑豆各四十九粒信砒
半錢另研黃丹一錢朱砂二錢右為末滴水
和勻分作三十粒每一粒取東南桃枝七枚研汁
和并萃水早晨日出時面東吞之虛人慎勿用
間

雄朱丹

治鬼瘵太黑豆四十九粒約五錢重端午日
以冷水浸從早至巳時去皮晒乾研入信砒
末一錢再研勻麪糊和勻作丸少壯人梧子大老
人黃豆大小兒葶豆大雄黃朱砂為衣晒乾收貯
臨發五更面東井水下丸
入門一名瘵靈丹醫鑿

雙解飲子

治瘴癘及寒癘神效肉豆蔻草豆蔻各二箇一箇煨一箇生厚朴二寸一寸薑汁浸炙一寸生用甘艸大者二兩一半炙一半生薑二塊一煨一一生右各剉合分二貼入棗二梅一水煎空心溫服局方一名交解飲又名生熟飲類聚

地龍飲

治瘴癘大熱煩燥生地龍大者三條研細入薑汁薄荷汁生蜜各少許新汲水調下熱熾加龍腦少許得效

羌活蒼朮湯

治感冒嵐瘴成寒熱癘羌活一錢半蒼朮柴胡黃芩枳實橘紅半夏川芎甘艸各一錢右剉作一貼入薑五片水煎服節齋

觀音丸

治瘴癘半夏生烏梅肉母丁香巴豆肉各十枚晒右為末薑汁糊和丸麻子大每五丸臨臥冷水下有人於海角遇白衣人授之因名焉直指

老癘丸

治瘴癘久不差腹痛有母與上十將軍丸同而常山草果各二兩餘八味各一兩剉法脈法並同

鼈甲丸

治瘴癘有瘴母久不差鼈甲醋煮一兩三稜蓬朮香附子青皮桃仁紅花神麩麥芽海粉各五錢右為末醋糊作丸梧子大白湯下五七十丸入門一名瘴母丸丹心加芎歸赤芍藥治夜發瘴名陰瘴丸入門

消癘丸

治瘴癘彌年經汗吐下榮衛虧損邪氣伏藏脇間結為癘癘腹脇堅痛名曰瘴母芫花炒朱砂各等分右為末蜜丸小豆大每十九丸棗湯下去癘須用芫花大戟破水之劑得效一名芫花丸

老癘飲

治老癘結成癘癘在腹脇諸藥不愈蒼朮草果桔梗青皮陳皮良薑各七分白芷赤茯苓

半夏枳殼桂心乾薑甘草各五分紫蘇葉川芎各四分右剉作一貼入鹽少許水煎空心服入門一名痰癰飲醫鑿

七棗湯

治五藏氣虛陰陽相勝作為痰癰不問遠近悉主之附子一箇炮裂以鹽水浸再炮如此七次去皮臍右剉作一貼入薑七棗七木一椀煎至半空心溫服仍與棗三五枚得效

鼈甲飲子

治老癰腹中結癥瘕瘰癧名曰癰母鼈甲二錢白朮黃芩草果檳榔川芎陳皮厚朴白芍藥各一錢甘艸五分右剉作一貼入薑三棗二梅一水煎服綱目

參歸鼈甲飲

治老癰腹脇有塊成癰母鼈甲醋煮一錢三分黃芪蜜水炒青皮當歸白茯苓白朮厚朴川芎香附子各八分人參縮砂山楂子枳實各五分甘艸三分右剉作一貼入薑三棗二梅一水煎空心服

祕方清脾丸

治癰三日一發或十日一發白朮一兩果蓬朮厚朴各五錢薑黃甘艸各三錢右為末飯丸梧子大湯下六七十丸丹心

經效癰丹

治癰母莖癰寒熱無已真阿魏雄黃各二錢半朱砂一錢半石沸湯泡阿魏研雄朱為末和勻麪糊和丸梧子大每一丸人參湯冷服空心瘴癰桃仁煎湯冷服臨發磨一丸付口鼻晬直指

黃甲丸

治癰母成塊久不愈朱砂阿魏穿山甲酥炙檳榔各五錢雄黃木香各二錢半右為末泡黑豆去皮搗成泥和丸梧子大空心薑湯下五十九丸醫鑿

瘡寒熱不歇有根

瘡之寒熱不歇者有根在也根者何日飲日水日敗血是爾惟癰為瘡之母惟敗血為暑熱之毒惟飲與水皆生寒熱故治法挾水飲者為之逐水消飲結癰者脇必痛為之

攻癰敗血暑毒隨證而疎利之則寒熱自除矣。凡癰皆因停蓄黃水或於脇間結癰唯癰為能生寒熱若取毒水去其病根則寒熱自解所以癰劑多用常山蓋水在上則吐之水在中下則亦能破其癰而下其水故也 直指

寒熱似瘧

帝曰火熱復惡寒發熱有如瘧狀或一日發之時有或多或少也陰氣多而陽氣少則其發日近此勝復相薄盛衰之節瘧亦同法。內經。感冒之人忽覺毛寒股慄百骸鼓撼嘔不能食未幾轉而發熱皆似瘧證不必脈弦但隨證施治熱多小柴胡湯寒多人參養胃湯。解之內傷虛者補中益氣湯。方見內傷。加山植麥芽白豆蔻扶脾自止矣。入門

瘧疾治法

內經主於暑風局方主於傷食丹溪主於痰。雖二因雜至錯亂氣血然捷徑以祛暑消痰。

為要通用二陳湯。方見痰門。無汗加葛根柴胡氣虛加參朮熱甚加芩連寒多加草果口渴加烏梅。入門。無汗者要有汗散邪為主帶補有汗者要無汗扶正氣為主帶散邪宜散邪湯正氣湯。丹心。寒瘧非草果厚朴不能溫散熱瘧非柴胡黃芩不能清解陽瘧無汗須用柴胡蒼朮葛根陰瘧無汗須用柴胡升麻川芎汗多須用白朮烏梅以斂之。入門。先熱後寒宜小柴胡湯先寒後熱宜柴胡加桂湯多熱但熱宜白虎桂枝湯多寒但寒宜柴胡桂枝湯。綱目。瘧熱多者投以半冷半熱解散分陰陽減寒熱之劑度其所作之日先一時進以抵截之藥去其痰水則收效矣寒多者投以半生半熟壯脾進食之劑次以抵截之藥則痰癰去而疾愈矣須令慎飲食謹起居則無復攻之慮矣。得效。桂枝湯治太陽白虎湯治陽明小柴胡湯治少陽意甚明顯挾痰合二陳湯食積合平胃散尿澀合五苓散便閉合金大柴胡湯無汗加乾葛蒼朮有汗加黃芪白朮夜發加桃仁赤芍藥日久

加常山檳榔吐之治瘧
瘧之法盡矣 入明

柴平湯

治諸瘧柴胡蒼朮各二錢厚朴陳皮半夏黃芩各一錢人參甘草各五分右剉入薑三棗二梅二煎服〇一名平胡飲子 入明

草果平胃散

治脾虛作嘔不問寒熱先後宜服蒼朮二錢厚朴陳皮青皮大腹皮檳榔草果各一錢甘州五分右剉作一貼入薑三棗二煎服得效

加減清脾湯

治諸瘧即小柴胡湯與人參養胃湯合和也寒多熱少多用養胃湯熱多寒少多用小柴胡湯二方並見寒門寒熱勻則平用每貼入薑五棗二桃柳枝各二寸水煎空心服得效

四將軍飲

治瘧作時仆厥厥脈不至省是中心抑鬱陰陽交戰所致宜服此附子一兩炮訶子四箇煨去核陳皮四箇全者甘州四寸炙右剉作二貼每貼入薑棗各七水煎漸漸灌下四服頓甦

得效

驅瘧湯

治諸瘧久瘧草果青皮陳皮人參赤茯苓半夏厚朴蒼朮白朮檳榔各一錢良薑甘州各五分右剉作一貼入薑五棗二梅一水煎服直指

驅邪湯

治諸瘧柴胡二錢白朮一錢半乾葛一錢三分蒼朮一錢陳皮七分甘州五分右剉作一貼水煎服空心必用〇一名柴胡二水湯 俗方

人參竹瀝飲

治虛瘧昏倦汗多痰盛舌大語澀脈虛無力白茯苓人參白朮當歸生地黃酸棗仁炒麥門冬知母陳皮白芍藥各一錢甘州三分右剉作一貼入薑三棗二梅一水煎調竹瀝薑汁服

同春

治瘧須用分陰陽之藥

瘧疾者陰陽交爭寒熱互作用藥須半生半熟半冷半熱乃收

十全之功。諺云無痰不成瘧。蓋半生半熟所以分陰陽解寒熱也。得效。

知瘧將差

退也。若用柴胡而移其時，早移之于晏，晏移之于早，氣移之于血，血移之于氣，是邪無可容之地，知可解也。海嶺。若移時或早或晚，是邪無容地，瘧將差也。醫鑒。

截瘧法

凡瘧數發之後，便宜截而除之。久則中氣虛弱，病邪已深而難治。世有砒丹等截藥，大毒不可輕用。正傳。若用截藥，吐出黃膠水者，瘧自愈也。不可一二日早截，早則邪氣閉塞而成壞證，又不遲截，遲則元氣衰憊而成虛怯。當在二三日就截為好，須待熱退身涼，方可飲食也。切不可帶熱飲食，恐不消而成痞痞散，成鼓者有之矣。回春。凡瘧須分利陰陽，柴苓湯方見寒門，最效。甚者截而除之，不一飲勝金丹之類，截之不愈，乃氣大虛，要扶胃氣為本，露薑養胃湯養胃丹之類。方見上。

又有經歲久瘧，汗吐下不愈，榮衛虧損，邪氣伏藏，脇間結為癥痞，謂之瘧母。瘧飲黃甲丸之類。方見上。醫鑒。在陰分者，用藥徹起，陽分方可用。

截方丹心。截瘧宜截瘧常山飲，截瘧七寶飲，瘧飲子，人參截瘧飲，鬼哭丹，勝金丹，參歸養榮湯。諸方。

截瘧常山飲

常山、草果、檳榔、知母、烏梅、穿山甲、炮甘、艸炙，各一錢。右剉作一貼，酒水相半煎。露一宿，臨發日早晨溫服，得吐為順。正傳。

截瘧七寶飲

常山、陳皮、青皮、檳榔、草果、厚朴、甘艸，各一錢。右剉作一貼，酒水相半入薑五梅，一宿早晨溫服，必須吐而愈。正傳。一名七寶湯，易簡。

截瘧飲子

治久瘧不愈，一服便差，永不發，如神。常山一錢，半檳榔一錢，丁香半錢，烏梅一箇，右剉作一貼，好酒一盞浸一宿，臨發日清晨溫服。即正傳截瘧方也。正傳。

良醫寶鑑卷之七

十一

人參截瘧飲

虛人截瘧宜用一切瘧並可截人參白朮白茯苓當歸青皮厚朴柴胡黃芩知母常山酒浸草果龍甲醋炙各八分桂枝甘艸各三分右剉作一貼入薑三棗二梅一桃仁七箇水煎露一宿臨發日五更空心服渣再煎朝時服糖拌烏梅下藥切忌雞魚豆腐麪食熱物同春

鬼哭丹

治瘧瘧常山一斤剉醋浸春五夏三秋七冬十日晒乾檳榔各四兩半夏貝母各二兩右爲末雞子清和麪入藥末拌勻作丸梧子大每二十九丸隔夜臨睡冷酒吞下次日早再服丹心

勝金丹

治諸瘧久不愈可截之常山四兩酒蒸晒乾檳榔一兩爲末醋糊和丸茶豆大於隔夜臨臥時取二十九丸冷酒吞下至次日早晨取十五丸冷酒吞下忌食一切熱羹湯粥局方

不二飲

治諸瘧疾一劑截住神效雞心檳榔要一雌母各等分右剉作一貼酒一鍾煎至八分不可過熟熟則不效露一宿臨發日五更溫服勿令婦人

前藥醫醫 ○一名
止瘧散 十三方

勝金丸

治一切瘧能截去常山四兩酒浸一宿晒乾蒼朮朮泔浸晒檳榔草果各二兩右爲末將浸常山餘酒煮糊和丸梧子大每服五十九丸前一臨臥時溫酒送下便臥至當發日雞鳴時服七十丸忌生冷熱物醫醫

參歸養榮湯

瘧疾截住後以此調養氣血人參白朮白芍藥熟地黃甘艸各八分右剉作一貼入棗二水煎服同春

禳法

宜用神仙碧霞丹斷瘧如聖丸治一切瘧請方

神仙碧霞丹

東方巴豆去皮油別研南方官桂別末中央雄黃別研西方白礬別研北方青黛別研○右各三錢五月五日早朝修治各盛盤依方排定勿令貓犬婦人見之至其日

東醫寶鑑卷之七

十六

午時取五家粽尖和勻丸如榛子大令患者綿裹
二丸當發日早朝塞於男左女右鼻中仍清靜將
息勿雜飲
食類聚

斷瘧如聖丸

信砒二錢大蜘蛛三箇雄黑豆四十九
粒右為末滴水和丸如芡實大如來日
發今夜北斗下先獻過次早以綿裹一丸於男左
女右耳內塞之立愈如神一丸可救二人河間

禁忌法

凡瘧發時切不可帶熱飲食恐不消而成痞塊也
凡瘧發時切不可帶熱飲食恐不消而成痞塊也
同春○凡瘧方來與正發不可服藥服藥在於未
發兩時之先否則藥病交爭轉為深害○服藥當
於未發以前兩時之先或遇發日凌晨空心與服
直指○仍節飲食避風寒遠酒色慎起居無不愈
丹心○患瘧人切忌食
猪肉牛肉必再發本草

難治不治證

大凡陽瘧易治陰瘧難治入門○久瘧而
復作虛浮不食者未之有廖得效○瘧病

單方

凡十九種有脾寒丹
久腰脊強急瘰癧者不可治醫鑑○寒
熱脫形而脈堅搏是為逆久不治靈樞

牛膝

治老瘧久不愈取肥大牛膝一握
剉酒水相半煎服三劑差本草

茵陳

治瘧瘧煎湯服之又煮
羹作齏並可食之本州

葛根

療瘧取一兩煎
湯服之本州

麻黃

治溫瘧無汗煎湯
服發汗差本草

知母

主熱瘧煎湯
服之良本草

半夏

治痰瘧取一兩煎湯
和薑汁服之本州

松蘿

療溫瘧煎湯服
可為吐痰本草

東醫圖書集成卷之...

蛇蛻

主癰當發且取皮塞兩耳又手持少許良本冊

鼈甲

主溫癰老癰取甲炙為末每二錢溫酒調下連二三服無不斷本冊

蜈蚣

主溫癰瘡癰炙為末調溫酒服半錢本冊

鼠婦

主寒熱癰取二三枚研和溫酒服小兒尤良本冊

白葵花

主痰癰取花陰乾搗為末酒調服一錢本冊

烏梅

主熱癰煩渴煮湯飲本冊

虎頭骨

治溫癰酥炙黃為末溫酒下一錢又取肉煮食之又取皮覆身上本冊

狸糞

主鬼癰燒灰和酒服又煮肉食之又頭骨亦主癰用如虎骨法本冊

狐肉

主寒熱癰取五藏及腸治如食法和五味煮食之良本冊

燕屎

治癰疾取屎一錢和酒一升盛槐中命病人於發日朝兩手捧槐當鼻下重氣炒本冊

夜明砂

蝙蝠屎也治五癰搗為末每取一錢冷茶調下立效本冊

小蒜

治癰取蒜研極爛和黃丹作丸梧子大每七丸桃柳枝煎湯吞下名辟寒丹類聚

鍼灸法

癰之沮發也陰陽之沮移也必從四末始也陽已傷陰從之故先其時堅束其處審候見之在孫絡盛堅而血者皆取之內經○謂用三稜鍼視孫絡出血也正傳○凡癰必先問其病之所先發者先刺之○久癰不愈大頷先鍼後灸二七壯或云第二骨節○諸癰而脈不見刺十指間出血血去必已先視身之赤如小豆者盡取之○凡癰取間使為妙○癰脈緩大虛便宜用藥不宜用鍼目綱

瘟疫

瘟疫之因

內經曰冬傷於寒春必溫病○冬不藏精者春必病溫內經○斯疾之召或溝渠不泄穢

惡不修熏蒸而成者或地多灰氣鬱發而成者或
官吏枉柳怨譏而成之者世謂獄溫場溫墓溫廟
溫社溫山溫海溫家溫寵溫歲溫天溫地溫等不
可不究三四因疫氣之發大則流行天下次則一
方次則一鄉次則偏著一家悉由氣運鬱發有勝
有復遷正退位之所致也正傳凡時行病者春
應暖而反寒夏應熱而反涼秋應涼而反熱冬應
寒而反溫非其時而有其氣是以一歲之中病無
長幼大卒多相似此則時行瘟疫氣俗謂之天行
是也活人○疫疾如有鬼厲相似故曰疫癘入門
○時氣者天地不正之氣也非其時而有其氣一
家無少長卒病者時氣也又謂鬼厲之氣夫鬼無
所歸乃為厲爾若天地有不正之氣鬼厲依而為
祟楊玄樞云謂雜其鬼厲之氣不知何經之動也
亦其義也類聚

瘟疫形證

冬合寒反暖春發溫疫其證發熱腰痛強急
腳縮不伸筋中欲折目中生花或瀼瀼增寒

復熱○春合暖反涼夏發燥疫其證身體戰掉不
能自禁或內熱口乾舌破咽塞聲嘶○夏合熱反
寒秋發寒疫其證頭重頸直皮肉強痺或蘊而結
核起於咽喉頸項之側布熱毒於皮膚分肉之中
○秋合涼反陰雨冬發溼疫其證乍寒乍熱損傷
肺氣暴嗽嘔逆或體熱發斑喘咳引氣三四感
四時不正之氣使人痰涎壅盛煩熱頭疼身痛增
寒壯熱項強睛疼或飲食如常起居依舊甚至聲
啞或赤眼口瘡大小腮腫
喉痺咳嗽稠粘噴嚏醫鑑
尺膚熱甚脉盛躁者病溫也靈樞○時疫之脉無
定揚隨時審思乃得未可輕議得效○陰陽俱盛
病熱之極浮之而滑沉之散濕惟有溫病脉散諸
經各隨所在不可指名脉訣○陽脉濡弱陰脉弦
緊更遇溫氣變為瘟疫○溫病二三日體熱腹滿
頭痛食飲如故脉直而疾八日死○溫病四五日
頭痛腹滿而吐脉來細而強十二日死○溫病八
九日頭身不痛目不赤色不變而反利脉來澀按

脉法

之不足舉時大心下堅十七日久○溫病汗不出
出不至足者死○厥逆汗自出脉堅強急者生虛
軟者死脉法○溫病穰穰太熱脉細小者死○溫
病下利腹中痛甚者死醫鑿○熱病得汗脉安靜
者生躁急者死及太熱不去者亦死○熱病七八
日當汗反不得汗脉絕者死醫鑿○熱病脉靜汗
已出脉盛大逆
也死不治靈樞

瘧疫治法

溫熱病者夏至前發為溫病夏至後發為熱
病謂之伏氣傷寒所謂冬傷於寒春必病溫
是也丹心○寒暄不時人多疾疫得效○衆人病
一般者是天行時疫治有三法宜補宜散宜降丹
○治法切不可作傷寒正治而大汗大下但當
從乎中治而用少陽陽明二經藥少陽小柴胡湯
陽明升麻葛根湯二方並見寒門加減治之正傳
○春發溫疫宜葛根解肌湯夏發燥疫宜調中湯
秋發寒疫宜蒼朮白虎湯方見暑門冬發淫疫宜
甘桔湯方見咽喉表證用荊防敗毒散半表裏證

用小柴胡湯裏證用大柴胡湯方見寒門宜補宜
散宜降用人中黃丸入門○溫病初證未端的先
以敗毒散治之看歸在何經隨經施治正傳○九
味羌活湯治瘟疫初感一二日間服之取效如神
方見寒門○正傳○又有大頭瘟蝦蟆瘟鷓鴣瘟
別有條在下○瘟疫宜用聖散子十神湯柴胡升
麻湯解肌湯香蘇散芎芷香蘇散方見寒門十味
芎蘇散雙解散方見寒門清熱解毒散加味敗毒
散神授太乙散五瘟丹茵陳丸人中黃丸如意丹
黑奴丸諸方

葛根解肌湯

治春疫發熱而渴葛根三錢麻黃黃芩
各二錢芍藥一錢半桂枝一錢甘草八
分右剉作一貼入薑
三棗二水煎服入門

調中湯

治夏發燥疫口乾咽塞大黃一錢半黃芩芍
藥葛根桔梗赤茯苓藁朮白朮甘草各一錢
右剉作一貼
水煎服活人

荆防敗毒散

治瘟疫及大頭瘟羌活獨活柴胡前胡赤茯苓人參枳殼桔梗川芎荆芥防風各一錢甘艸五分右剉

聖散子

治疫癘流行不問陰陽表裏連服取差又治風溫溼溫等證艸豆蔻煨猪苓石菖蒲赤茯苓良薑獨活赤芍藥附子麻黃厚朴藁本枳殼柴胡澤瀉細辛防風白朮藿香半夏吳茱萸蒼朮甘艸各五分右剉作一貼薑三棗二水煎服活人平朝煮一釜老幼各飲一盃則時氣不入活人

十神湯

治時令不正瘟疫發行葛根二錢赤芍藥升麻白芷川芎陳皮麻黃紫蘇葉香附子甘艸各一錢右剉作一貼入薑五蔥白二煎服正傳此方乃升麻葛根湯合芍藥散加麻黃發汗之劑也

柴胡升麻湯

治時行瘟疫頭痛壯熱柴胡前胡葛根赤芍藥荆芥石膏各一錢柴白皮黃芩各七分升麻五分右剉作一貼入薑三豆豉十粒水煎服入門

清熱解肌湯

治天行瘟疫頭痛壯熱葛根三錢黃芩赤芍藥各一錢半甘艸一錢右剉作一貼水煎服丹心一名解肌湯得效

香蘇散

治四時瘟疫香附子三錢紫蘇葉二錢半陳皮一錢半蒼朮甘草各一錢右剉作一貼入薑三蔥白二水煎服得效答有白髮老人授此方與一富人家令其合施城中大疫病者服此皆愈疫鬼問富人富人以實告鬼曰此老教三人矣稽顙而退局方

十味芍蘇散

治溫熱瘟疫病川芎一錢半半夏一錢陳皮枳殼甘艸各七分桔梗五分右剉作一貼入薑三片棗二枚水煎服丹心

清熱解毒散

溫暑之月民病天行瘟疫熱病宜清熱解毒氣羌活二錢白芍藥人參石膏各

一錢二分半黃芩知母並酒炒升麻乾葛各一錢
甘艸七分黃連酒炒生地黃酒洗各五分右剉作
一貼薑三三水
煎服節齋

加味敗毒散

治瘟疫及發斑羌活獨活前胡柴胡川
芎枳殼桔梗赤茯苓人參防風荆芥蒼
朮白朮赤芍藥當歸生地黃各六分薄荷甘草
各三分右剉作一貼入薑三棗二水煎服正傳

神授太乙散

治瘟疫流行不問陰陽兩感頭痛寒熱
赤芍藥羌活藿香細辛青皮川芎白芷
桔梗枳殼柴胡陳皮香附子蒼朮防風藁本甘草
各七分乾葛升麻紫蘇葉各三分右剉作一貼入
薑七棗七葱七
水煎服類聚

五瘟丹

治流行瘟疫及傷寒熱病熱瘧○黃連屬火
戊癸年為君○黃柏屬水丙辛年為君○黃
芩屬金乙庚年為君○甘艸屬土甲巳年為君○
香附屬木丁壬年為君○紫蘇葉各一兩為君

倍入右皆生用冬至日製為末用錦紋大黃二三兩
濃煎湯去渣熬成膏和丸彈子大朱砂雄黃朱為
衣再貼金箔每一丸
井華水磨服同春

茵陳丸

治時行瘟疫及瘡癰黃疽溫熱病即黃
疸門瘡疽丸也每五丸溫水吞下類聚

人中黃丸

治四時疫癘大黃黃連黃芩人參桔梗蒼
朮防風滑石香附子人中黃各等分右為
末神麪糊和丸梧子大每七十九丸氣虛四君子湯
血虛四物湯痰多二陳湯作湯送下如無人中黃
用糞缸炭代之或以朱
砂雄黃為衣亦好入門

如意丹

專治瘟疫及一切鬼祟伏尸勞瘵癰疽在志
山嵐瘴氣陰陽二毒五癘五疳八痢誤吞銅
鐵金石藥毒不伏水土等證川烏炮八錢檳榔人
參柴胡吳茱萸黃川椒白茯苓白薑黃連紫苑厚朴
肉桂常歸桔梗皂角石菖蒲各五錢巴豆霜二錢
半右擇吉日於不聞雞犬處淨室修合為末煉蜜

和丸梧子大朱砂為末每五丸或七丸溫水
下入門○此方乃溫白丸加檳榔當歸也

黑奴丸 治瘟疫熱病脉洪數大熱狂走渴甚棄為
成人幹開口灌藥下咽即活方見寒門

大頭瘟證 大頭病者感天地四時非節瘟疫之氣所著
以成此疾至於潰裂膿出而又染他人所以

謂之疫癘大抵足陽明邪熱太甚資實少陽相火
為燥溼熱為腫木盛為痛多在少陽或在陽明陽
明為邪皆大腫少陽為邪出於耳前後海藏○大
頭病者頭痛腫大如斗是也大率多是天行時疫
病也綱目○天行一種名曰大頭病俗呼為狸頭
瘟從耳前後腫起名曰蝦蟆瘟從頤頰腫起名曰
鷓鴣瘟甚為凶惡深此者十死八九宜推運氣治
之正傳大頭腫又名雷頭風其證頭面腫痛疔瘡
甚則咽喉堵塞害人最速冬溫後多有此病入門
○大頭瘟亦謂之時毒初發狀如傷寒五七日之
間乃能殺人其候發於鼻面耳項咽喉赤腫無頭
或結核有根令人增寒發熱頭痛肢體痛甚者沈

惚不寧咽喉
閉塞精義

大頭瘟治法 兩目鼻面腫者陽明也耳前後並額角腫
者少陽也腦後項下腫起者太陽也表證

多者荊防敗毒散裏證多者防風通聖散方見寒
門加惡實玄參俱用酒炒微微下之入門○服藥
俱仰臥使藥氣上行入門○東垣普濟消毒飲子
最妙人中黃丸亦妙入門○治法當先緩而後急
先緩者邪見於無形之處至高之分當用緩徐
徐服之寒藥則酒浸酒炒皆是也後急者邪氣入
於中有形質之所此為客邪當急去之海藏○大
頭病此熱氣在高巔之上切勿用降藥宜羌活酒
本酒大黃丹心○大頭瘟俗謂之時毒常於鼻內搗
通氣散取十餘噴作效若穢藥不瘳者不可治也
如嚏出膿血者治之必愈每日用嚏藥三五次以
泄毒氣此是良法左右看病之人日日用嚏藥嚏
之必不傳染精義○經三四日不解者宜荊防敗
毒散至七八日大小便通利頭面腫起高赤者宜

東垣普濟消毒飲子

二五

托裏消毒散 方見癰疽兼鍼砭出血泄其毒氣十日外不消自愈若五日已前精神昏亂咽喉閉塞語聲不出頭面大腫食不知味者必死精義○太頭瘟宜用既濟解毒湯芩連消毒飲牛蒡芩連湯漏蘆散二黃湯消毒丸疆黃丸二聖救苦丸加味疆黃丸清涼救苦散通氣散諸方

普濟消毒飲子

治天行大頭瘟黃芩黃連並酒炒各五錢人參三錢陳皮皮枯梗玄參柴胡甘艸各二錢鼠粘子馬勃板藍根無則用青黛連翹各一錢升麻白僵蚕各五分右為末取一半白湯調和時時呷之雷一半蜜丸彈子大每一丸細嚼熟水送下或加防風薄荷川芎當歸剉取一兩水煎分三二次服之腫甚宜破刺出血東垣○泰和二年四月民多疫癘初覺增寒體重次傳頭面腫盛目不能開上喘咽喉不利舌乾口燥俗云水頭天行深之多夾東垣曰身半已上天之氣也身半已下地之氣也此邪熱客於心肺之閉上攻頭面而為腫盛遂製一方名曰普濟消毒飲子服之

皆愈人謂之仙方謂天仙所製也遂刻諸石以傳永久東垣

既濟解毒湯

治天行大頭瘟頭面赤腫而痛大黃酒煨黃芩黃連並酒炒桔梗甘艸各一錢升麻柴胡連翹當歸身各五分右剉作一貼水煎服丹心

芩連消毒飲

治天行大頭病咽喉腫痛黃連黃芩柴胡桔梗川芎荊芥防風羌活枳殼連翹射干白芷甘艸各七分右剉作一貼入薑二片水煎又入牛蒡子一撮再煎入竹瀝薑汁調服入

牛蒡芩連湯

治大頭瘟兼治啞瘖黃芩酒洗二錢黃連翹惡實玄參甘草各一錢荊芥防風羌活各五分右剉作一貼入薑三片水煎徐徐服之回春

漏蘆散

治時毒疔瘡頭面洪腫咽喉堵塞水藥不下兩右為麤末每三錢水煎徐徐服綱目

一黃湯

治大頭瘟初起黃芩黃連並酒炒甘艸生各一錢水煎小小呷服再用酒浸大黃鼠粘子炒煎成湯入芒硝等分亦時時細呷之正傳

消毒丸

治時毒疔瘡惡證大黃牡蠣煨自廬蚕炒各一兩右為末蜜丸彈子大每二丸新井木化

下綱目

僵黃丸

治大頭病及喉痺歌曰人間治疫有仙方一兩僵蚕二大黃薑汁和丸彈子大井華調蜜便清涼易老乃白僵蚕一兩大黃二兩為末薑汁和丸彈子大井水研服一丸也易老

二聖救苦丸

治大黃四兩酒蒸猪牙皂角二兩右為末麪糊和丸某京大每五七十九丸以某豆湯送下汗出為效萬曆丙戌余寓大梁屬癘疫大作士民多斃甚至滅門其證增寒壯熱頭面頸項赤腫咽喉腫痛昏憤名曰大頭瘟余發一秘方名二聖救苦丸用牙皂以開關竅而發其表用木

黃以瀉諸火而通其裏一服即汗一汗即愈真仙方也稟壯者百發百中虛弱者先服煎防敗毒散若未愈用牛蒡芬連湯亦效回春

加味僵黃丸

治大頭瘟及蝦蟆鷓鴣等瘟大黃酒蒸四兩白僵蚕二兩蟬退六錢半薑黃一錢半右為末薑汁糊和每二兩作十九丸大人一丸小兒半丸蜜水調下立愈春即內府仙方也

清涼救苦散

治大頭瘟面鼻耳目腫痛芙蓉葉桑葉雄黃赤小豆苾苾各等分右為末蜜水調敷於腫處頻頻掃上回春

通氣散

治天行大頭瘟頭面赤腫或咽喉閉塞用此散噴嚏七八遍准出毒氣則差看病之人用此散亦不傳染玄胡索一錢半皂角川芎各一錢藜蘆五分躑躅花二分半右為末用紙燃蘸藥紙入鼻中取嚏三五次精義

禳法

劉根別傳云瘟疫熾發可於州治六合處穿地浚至三尺闊亦如之取淨砂三斛實之以醇酒三升沃其上俾使君祝之斯亦消除疫癘之良術也所謂太歲六合者歲泄氣之所在故以厭禳也得效

辟瘟疫預防法

凡疫病初起取正氣散或香蘇散二方防必用。常以雞鳴時淨心存誦四海神名三遍則辟百鬼及瘟疫火災甚效。東海神名阿明南海神名祝融西海神名巨來北海神名禺彊類聚。蘇合香丸每取九丸浸一瓶清酒中時時飲之最辟鬼疫之氣又絳囊盛三丸當心帶之亦效類聚。辟瘟疫宜用屠蘇飲老君神明散務成子螢火丸太倉公辟瘟丹李子建殺鬼丸宣聖辟瘟丹神聖辟瘟丹七物虎頭丸七物赤散太乙流金散諸方

屠蘇飲

辟疫氣令人不染瘟病白朮一兩八錢大黃桔梗川椒桂心各一兩半虎杖根一兩二錢

川烏六錢右剉盛絳囊十一月晦日中沈井中正月朔日早晚出藥入二瓶清酒中煎數沸東向飲之從少至老飲一盃其滓還沈井中取水飲之千金

老君神明散

辟瘴疫川烏炮四兩附子炮白朮各二兩桔梗細辛各一兩右為麩末絳絹袋

盛帶之一里人皆無病若有疫氣溫酒服一錢覆取汗得吐即差若經三四日取三錢七水一椀煮服之。三服。差活人。

務成子螢火丸

辟瘟疫惡氣百鬼虎狼蛇虺蜂蠆諸毒五兵自刃盜賊凶害雄黃雌黃各

二兩螢火鬼箭初蒺藜子白礬燒各一兩羚羊角鐵竈灰鐵槌柄取入鐵處各二錢半右為末以雞子黃並雄雞冠血一具和之如杏仁大絳三角絳囊盛五丸帶左臂上又可掛於戶上。晉冠軍將軍劉子南受得此方後於北界與虜戰敗被圍矢下如雨未至子南馬數尺矢皆墮地虜以為神人

解圍而去故一
名冠軍丸千金

太倉公辟瘟丹

辟却瘟疫並散邪氣蒼朮八兩烏藥
黃連白朮羌活各四兩川烏草烏細
辛紫艸防風獨活藁朮白芷香附子當歸荊芥天
麻桂皮甘松三乃子白芍藥乾薑麻黃皂角甘艸
各二兩麝香三錢半右為末蒸棗取
肉和丸彈子大每取一丸燒之同春

李子建殺鬼丸

辟瘟疫殺一切鬼魅魍魎藜蘆二兩
虎頭一兩半雄黃鬼白天雄皂莢蕪
黃各五錢右為末蜜丸皂子大
熱病時氣燒一丸安床頭類聚

宣聖辟瘟丹

臘月二十四日平朝取井華水盛淨器
中量人日多少浸乳香至歲朝五更湯
金溫從少至大每人以乳香一小塊飲
水一二呷嚥下則二年不患時疫醫鑒

神聖辟瘟丹

歌曰神聖辟瘟丹雷傳在世間正元焚
一炷四季保平安。蒼朮二兩羌活獨

活白芷香附子大黃甘松三乃子赤箭雄黃各一
兩右為末麪糊和丸彈子大黃丹為衣晒乾正朝
早晨焚一炷醫鑒

七物虎頭丸

辟瘟殺鬼除一切疫氣虎頭骨朱砂雄
黃各一兩半鬼白皂莢蕪黃雌黃各一
兩右為末燻蠟和丸彈子大以紅絹袋盛一丸繫
男左女右臂上又懸屋四角如值近境疫作晦望
夜半各家當戶燒一丸晨起各人吞
下小豆大一丸則不致傳染醫鑒

七物赤散

辟瘟疫毒氣丹砂別研川烏炮各一兩瓜
蔓根七錢半細辛羊躑躅乾薑炮白朮炒
各五錢右為末每服半錢溫酒調服
汗出解若未解增至一錢服實鑒

太乙流金散

大辟瘟疫雄黃一兩半羚羊角一兩雌
黃礬石鬼箭羽各七錢半右為鹿朮三
角絳囊盛一兩帶心煎並掛戶上
又青布裹少許中庭燒之類聚

不傳染法

凡瘟家自生惡氣聞之即上泥丸散入百脉轉相傳染若舍卒無藥以香油抹鼻端及以紙燃探鼻竅之為佳得效。又雄黃末水調以筆濃蘸塗鼻竅雖與病人同床亦不相染初洗面後及臨卧時點之得效。凡入瘟疫家先令開啓門戶以大鍋盛水二斗置堂中心取蘇合香丸二十丸煎之其香能散疫氣凡病者各飲一甌後醫者卻入診視不致相染得效。凡入疫家以紙燃蘸香油並雄黃朱砂末探入耳鼻內最能辟穢毒之氣遍滿鄉村善用如意丹亦妙入門。凡入疫家行動從容左位而入男子病穢氣出於口女人病穢氣出於陰戶其相對坐立之間必須識其向背既出以紙燃探鼻中噴嚏為佳。同春。雄黃丸最妙。易老。傷寒熱病傳染者因聞大汗穢毒以致傳染故聖惠方曰大汗出則懸藥於戶解其穢毒無使傷於人也親屬侍奉之人勞役氣虛而為變亂何以知其傳染者脉不浮是也治法自汗者蒼朮白虎湯無汗者益元散合涼膈散熱散而愈。

幾聚

雄黃丸

治瘟疫令不相染雄黃一兩赤小豆炒丹參鬼箭羽各二兩右為末蜜丸梧子大每日空心溫水吞下五丸可與病人同衣床亦不相傳染。易老。

瘴疫

嶺南春秋時月人感山嵐瘴露毒氣發為瘴癘寒熱此毒氣從口鼻入內也宜升麻蒼朮湯。方見澤。節。節。南方疫癘挾嵐瘴溪源蒸毒之氣其狀熱來上焦病欲來時令人迷困甚則發躁狂妄亦有啞而不能言者皆由敗血淤於心毒延聚於脾所致宜加味柴胡湯。醫。瘴疫宜二仙湯太無神水。散。諸方。

加味柴胡湯

柴胡二錢黃芩半夏人參枳殼太黃甘艸各一錢右剉作一貼入薑二棗一水煎服。醫。醫。醫。

三仙湯

治山嵐瘴氣時行瘟疫蒼朮四錢乾地黃二錢牛膝一錢右剉作一貼水煎服或為末醋糊和丸梧子大空心酒下三五十丸 經驗

太無神水散

治四時瘟疫專主山嵐瘴氣之妙劑也蒼朮三錢陳皮厚朴各二錢石菖蒲藿香甘草各一錢右剉作一貼入薑三棗二水煎服 正傳 ○一方無菖蒲有香附子一錢名曰神水散 氣散 正傳

瘟疫熱病不治證

熱病不可刺者有九。一日汗不出大觀發赤噦者死。二日泄而腹滿甚者死。三日目不明熱不已者死。四日老人嬰兒熱而腹滿者死。五日汗不出嘔下血者死。六日舌本爛熱不已者死。七日熱而衄汗不出出不至足者死。八日髓熱者死。九日熱而瘳者死瘳者腰折瘳瘳齒齠斷也 靈樞

單方

凡二十九種

朱砂

辟瘟疫取一兩細研以白蜜和丸如麻子大正朝早晨一家大小勿食諸物面向東立水吞三七丸永無疫本草

蚯蚓汁

主天行熱疾取生地龍塗鹽化成水取飲之本草

藍葉汁

主天行熱在取葉搗取汁飲之本草

臘雪水

治天行瘟疫熱盛取飲之本草

生葛根汁

治天行瘟疫熱疾取根搗取汁飲之本草

苦參

治天行壯熱取一兩剉醋煮飲之當吐即愈本草

水中細苔

主天行熱悶搗絞取汁飲之本草

青黛

治大頭瘟頭面赤腫真靨花二三錢燒酒一鍾雞子清一箇打勻吃下腫即消真神方也春回

蛇莓

治天行熱盛口中生瘡蛇莓自然汁搗絞取一斗煎取五升稍稍飲之本草

竹瀝

治時氣瘟疫熱盛煩躁竹瀝半盞新水半盞和服之本草

蒼朮

辟瘟疫邪淫氣蒼朮全息英中庭燒之本草

生藕汁

治熱病煩渴藕汁一盞入蜜一合服之本草

臘月鼠

燒之辟惡氣又於正旦所居處埋之辟瘟疫氣本草

蟾蜍

食之不患熱病生搗絞汁服或燒為末和水服並主瘟病發斑本草

桃葉

主天行病汗不出桃葉多取濃煎湯置床下坐其上不被蓋之須臾當汗便差又取桃枝剉煮湯洗

浴本草

蔥白

治天行時疾頭痛熱在濃煎蔥白湯飲之本草

赤小豆

辟瘟疫病取赤小豆新布囊盛之正旦置井中三日出之舉家服男十枚女二十枚無不效本草

溫蕪菁汁

辟瘟氣立春後初庚子日取溫蕪菁汁合家大小人並服之可理時疾本草

蒜

正月之節食五辛以辟厲氣一日蒜二日蔥三日韭四日薤五日薑也本草

人屎

主天行病大熱狂走取乾者沸湯漬飲之或燒灰作末和水服又納淨土坑中新水調和澄清取飲之本草

即野人乾也取乾者淨沙覆之取清飲之治熱病最佳本草

人中黃

大治疫毒取大竹筒兩頭留節一節中作一窟納大甘肫於中仍以竹木釘塞其窟置太糞廁中浸一月取出晒乾用臘月截淡竹去青皮於廁中浸滲取汁飲之大治天行熱疾發在即

糞清也
丹心

赤馬蹄

辟瘟疫作屑二兩絳囊盛帶男左女右本州

壯猪糞

極療天行熱病溫毒大熱取乾者水漬取清飲之草本

雄狐尿

燒之去瘟疫病取肉煮食亦可本州

獺肉

主疫氣瘟病煮肉取汁停冷飲之草本

芥菜子

治疫氣傳深初覺頭痛取子為末填臍中以熱物隔衣一層熨之即汗而愈種杏

白粳米

半升連鬚葱二十根煮成粥湯加入好醋半碗再煮一滾服取汗即愈種杏

蓴

溫病勿食蓴食者多灰本草

葵菜

天行病後食葵菜頓喪明本州

鍼法

治熱病五十九刺者。頭上五行行五者以越諸陽之熱逆也。頭中行謂上星額會前頂百會後頂五穴也。兩傍謂承光通天絡卻玉枕天柱十穴也。又兩傍謂臨泣目窓正營承靈腦空十穴也。大杼膺俞即中府穴缺盆皆俞即風門穴此八者以瀉胃中之熱也。氣街三里巨虛上下廉此八者以瀉胃中之熱也。雲門髃骨即肩髃穴委中髓空即腰俞穴此八者以瀉四肢之熱也。五藏俞傍五此十者以瀉五藏之熱也。內經

邪祟

邪祟形證

視聽言動俱妄者謂之邪祟甚則能言平生未見聞事及五色神鬼此乃氣血虛極神光不足或挾痰火非真有妖邪鬼祟也入門。邪祟之證似癲而非癲有時明有時昏。回春。邪之為病或歌或哭或吟或笑或眠坐溝渠啖食糞穢或裸體露形或晝夜遊走或嗔罵無度千金。人為

東坡醫書世雜病篇七

三十一

鬼物所感則好悲而心自動或心亂如醉狂言驚怖向壁悲啼夢寤喜魘或與鬼神交通病苦乍寒乍熱心腹滿短氣不能飲食病源。人之精神不全心志多恐遂為邪鬼所擊或附着沈沈默默妄言謔語誹謗罵詈訐露人事不避譏嫌口中好言未然禍福及至其時毫髮無差人有起心已知其故登高涉險如履平地或悲泣呻吟不欲見人如醉如狂其狀萬端。綱目。人見五色非常之鬼皆自已精神不守神光不完故耳實非外邪所侮乃元氣極虛之候也。正傳。夢寐不祥多生恐怖為祟惑證。矣得效。

十疰五尸

人死三年之外魂神因作風塵着人成病曰風疰寒疰氣疰生疰涼疰酒疰食疰水疰尸疰蓋疰者住也言其連滯停住又注易傍人也。千金。又曰十疰者氣疰勞疰鬼疰冷疰生人疰死尸疰尸疰食疰水疰土疰也。千金。五尸一曰飛尸二曰遁尸三曰沈尸四曰風尸五曰伏尸皆按

脉法

鬼邪之氣流注身體令人寒熱淋漓精神錯雜積年累月漸至頓滯以至于死死後復易傍人乃至滅門故號為尸疰也。千金。傳疰者挾邪精鬼怪之氣而作也經曰人有逢年月之厄感鬼物之精無處不惡沈黙而不能的知所苦積歲漸至委頓既往復傳疰傍人須用通神明去惡氣等劑療之或者剽麝刺犀驅仗邪惡飛丹煉石引納清和蓋為尸疰設也。直指。脉來遲伏或如雀啄乃邪脉也若脉來弱綿綿遲伏或綿綿不知度數而顏色不變此邪病也脉來乍大乍小乍短乍長為禍脉也兩手脉浮浮細微綿綿不可知但有陰脉亦細綿綿此為陰躄陽躄之脉此令人為禍也脉來洪大弱者社祟也脉來沈沈瀟瀟四肢重者十祟也脉來如飄風從陰趨陽者風邪也一來調一來速者鬼邪也。千金。欲知祟害心脉虛散肝脉洪盛或浮沈長短大小無定或錯雜不倫得效。○乍大乍小乍長乍短此皆邪脉神志昏亂丹心。○乍踈乍數乍大乍小或促

或結皆邪脉也 脉經 ○ 狂脉浮大 可治細數難治
永類 ○ 有人得病之初 便謔言 或發狂 六部無脉
然切大指之下寸口之上 卻有動脉者 此之謂鬼
脉 乃邪祟為之也 不須服藥 但宜符咒 治之 回春
○ 若脉沈沈 澤澤 四肢不仁者 凶祟也 或大而懈
懈者 社祟也 脉來乍大乍小 乍短乍長者 鬼祟也
精義

邪祟尸症治藥

邪祟宜用桃奴丸辟邪丹殺鬼五邪丸
紫金錠蘓合香丸還魂湯方見救急

尸症宜用十症丸八毒
赤散太乙神精丹諸方

桃奴丸

治邪祟尸症客忤魘夢不祥言語錯亂恍惚
失常桃奴七箇兄研玳瑁鏡細末一兩安息
香去滓一兩右三味同入銀石器中熬成膏辰砂
犀角各五錢琥珀雄黃各三錢龍腦麝香牛黃各
二錢桃仁十四箇酥炒石為末入安息香膏和丸
茶實大陰乾蜜器封固靜室安置人參湯研下

丸正傳

辟邪丹

治衝惡邪祟怪疾及山谷間九尾狐精為患
人參赤茯苓神遠志鬼箭羽石菖蒲白朮蒼朮
當歸各一兩桃奴五錢雄黃朱砂各三錢牛黃麝
香各一錢右為末酒糊和丸龍眼大金箔為衣每
一丸臨臥以木香湯化下諸邪不敢近體
更以絳囊盛五七丸懸床帳中尤妙入門

殺鬼五邪丸

治邪祟鬼魅鬼箭羽二兩半丹砂另研
雄黃另研龍骨鬼臼炙赤小豆各一兩
半桃仁五十箇另研荒青三十箇炒去翅足右為
末蠟熔化和丸彈子大絳囊盛一丸繫臂上又另
用煉蜜和丸梧子大米飲

紫金錠

治感鬼邪成鬼胎溫酒化下半錠至一錠
見解毒 ○ 一女子為邪魅所交腹中作痞服
此藥隨下惡物其邪仍至又服半錠
更燒二錠藥氣滿屋邪不復至入門

東醫圖書集成

蘇合香丸

治疰忤鬼氣一切邪祟及鬼魅狐狸等疾
方見氣門。蠟紙裹一丸如彈子大，當心

帶之，一切邪神不敢近。又取二七丸浸一瓶
清酒中，時時溫服，令微醺，邪氣自絕。俗方。

十疰丸

治十種尸疰鬼氣，雄黃、巴豆霜各一兩，人參
麥門冬、細辛、桔梗、附子炮、皂莢、川椒、甘艸各

五錢，右為末，蜜丸，梧
子大，溫水，下五丸，金

八毒赤散

治人深著神鬼，謂之鬼疰，病，雄黃、礬石、朱
砂、牡丹皮、附子炮、藜蘆、巴豆霜各一兩，蜈

蚣炙，一條，右為末，蜜丸，小豆大，冷水吞下，
十丸。即李子、豫八毒赤丸方也。綱目

太乙精神丹

治客忤霍亂尸疰惡氣，顛狂鬼詭，蠱毒
妖魅，溫瘧，一切惡毒，無所不治。丹砂、曾

青雌黃、雄黃、磁石各四兩，金牙二兩，半石六味，內
丹砂、雌黃、雄黃以醪醋浸，曾青以好酒浸，以紙密
封，日中暴百日，然後各研如細粉，以醪醋拌，使乾，
溼得所，納土金中，六一泥固濟，安鐵腳環子，上高

尺五寸，以漸放火，其火勿令近釜底，至一伏時止，
候冷，出之，其藥精飛化，凝者，釜上五色者，上二色，
者次一色者，下但光明皎潔如雪最佳。若飛不盡，
更著火如前，以雞羽掃取，棗膏和丸，如黍粒，平旦
空腹服一丸，漸加一丸，以知為度。舊不用磁石，
金牙今加之。服此者，五服內必吐利，過則自定。
○初服如黍粒，漸加一丸，至如小豆大，而止，不得
更大。○若服藥悶亂，煮木防已湯飲之，即定。○若
欲解殺藥，喫爛煮肥猪肉。○久癰變腫，垂久者，服
一丸，即吐，差瘡，母亦差。○癥瘕積聚，服一丸，以漿
飲送下。○諸卒死，心下微暖者，幹開口，以漿飲，調
一乃主服之。○以絳囊盛丸，乃主散繫，男左女右，
臂上辟瘴疫時氣，最效。千金。○作土釜法，取兩箇
瓦盆，可受二斗許者，以甘土塗其內，令極乾。○作
六一泥法，赤石脂、牡蠣、滑石、黃礬、鹵土，無則以土代
之。蚯蚓屎各二兩，右以醪醋和甘土為泥，裹石、脂
等四種，火煨一伏時，取出，與鹵土、蚯蚓屎同為末，
醋和如稠粥，用千金。○凡合此藥，以四時旺相日

天晴明齋戒沐浴合食之千金。子修食太乙精神丹一料家中一婦夢中鬼麗覺後心痛不可忍昏悶不省取三粒服之即痛止神醒已無病矣後施於人無不應驗如神本事

驗尸症法

凡尸症病欲驗其真以紙覆痛處燒病者頭髮氣引之也非症則髮不着紙也永類

禳法

凡邪祟鬼症宜用藥以禳之回春辟邪丹李子建殺鬼丸皆可。蘇合香丸浸酒服之又盛蠟紙當心宵帶之邪鬼不敢近方見氣門。一女人感邪交通取雄黃末一兩松脂二兩熔化以虎爪攪為丸彈子大灸之用焙籠少女坐於其上以被蓋之只雷頭耳不過二丸其邪自斷毒域

回春辟邪丹

虎頭骨二兩朱砂雄黃鬼白蕪荑鬼箭大囊盛一丸繫男左女右臂上又當病者尸內燒之一切邪鬼不敢近又療婦人與鬼交通者兼辟

瘧疫

李子建殺鬼丸

辟一切鬼魅魍魎及邪祟尸症鬼症每取一丸安床頭燒之方見瘧疫

導引法

定神叩齒二十七遍輒咽氣二十七遍如此二百通乃止二十日邪氣悉去百日伏尸皆去面體光澤永類

單方

凡三十一種

朱砂

殺精魅邪惡鬼氣作末和溫水服一錢又常帶之辟邪氣本州

雄黃

殺精物惡鬼邪氣治尸症辟百邪以一塊繫頭上效又佩之鬼邪不敢近作末和溫水服一錢尤佳本州

古鑑

辟一切邪魅女人鬼交燒赤滓酒中飲之本州

東醫圖書集成卷之七

三三六

身醫寶鑑卷之九

半天河水

殺鬼精癩狂取與飲之勿令知本州

代赭

殺精物辟鬼魅常取帶之又作末和水服本州

敗天公

主鬼疰精魅燒灰為末酒服之本州

忍冬艸

主五尸疰病濃煎取汁日二三服本州

青蒿子

治鬼氣尸疰取搗為末酒服一錢本州

艾實

主百惡鬼邪氣取實和乾薑作末蜜丸梧子大飲下二十九其邪氣即去本草

鐵槌柄

主鬼打及強鬼排突人致惡者和桃奴鬼箭為末作丸服之本州

安息香

主邪氣烟癩鬼疰惡氣鬼胎取燒之又和酒服一錢本州

衛矛

主百邪鬼魅惡疰取燒之又煎湯服之本州

無患子

辟鬼邪惡氣取燒之又取中仁食之本州

蠶退紙

主發在悲泣呻吟此為邪祟取紙燒為末酒服一錢本州

穿山甲

主五邪驚啼悲泣燒灰為末每一錢酒水任下本州

桃梟

殺百鬼精物百毒不祥取為末和溫酒服之本州

烏鴉

治鬼魅燒為灰和酒服之本州

桃仁

主十疰五尸鬼邪病取五十枚去尖皮水煮取汁頓服之蠶吐不吐再服。又桃仁作粥常食之妙本州

鷹肉

主邪魅及野狐魅取肉炙食之又背及爪燒為末酒服尤妙本草

鵲巢

主癩在鬼魅取多年者燒為末和溫酒服之仍呼祟物名號本草

東醫寶鑑卷之九

三七七

鶴骨

主五尸疰毒取脚骨及黃燒為末和溫酒服之本州

麝香

辟惡氣殺鬼精物除百邪魅常帶身上本州

殺羊角

辟惡鬼邪魅及辟虎狼取燒之又燒作末和酒服下鬼胎本州

鹿角

主男女夢與鬼交取角屑一錢和酒服即出鬼精本州

牛屎

辟邪惡氣取塗門本州

豹肉

主鬼魅邪神煮食良取本州

虎肉

辟三十六種精魅煮食之良。虎眼睛虎頭骨虎爪並辟鬼邪常帶之或置左右本州

狸肉

主諸尸疰邪氣取肉作羹臠食之又取頭骨燒為末酒服一錢本州

狐肉

主狐魅凡人浴着狐狸精走巡山野或又手有禮見人或於靜處獨語或裸形見人或祇揖無

度或緊合口以手坐禮度過常尿尿亂放取肉炙食或取腸肚作羹食之。又取狐狸皮鼻端黑處為末酒調服最效。又狐頭狐尾狐尿燒之並辟邪惡本州

獺肝

主五尸鬼疰相染一門悉患者取肝一具陰乾為末水服一錢一再亦治鬼魅本草

野豬黃

主鬼疰邪氣取研和水服之本州

鍼灸法

百邪所病鍼有二十二穴一名鬼宮即人中穴。二名鬼信在手大指爪甲。三名鬼壘在足大指爪甲。四名鬼心即太淵穴。五名鬼路即中。六名鬼枕在大頰入髮際一寸。七名鬼床在耳前髮際。八名鬼市即承漿穴。九名鬼路即勞宮穴。十名鬼堂即。十一名鬼藏在陰下縫。十二名鬼臣即曲池穴。十三名鬼封在舌下縫。十四名鬼貫在舌上。十五名鬼城扁鵲。十六名鬼發在十指端。十七名鬼爪一分。十八名鬼日鬼城。十九名鬼鬼魅狐惑恍惚振瘵以患人兩手大指相並縛定用大艾炷於兩甲角及甲後肉四處騎縫着灸

之若一處不着火即無效灸七壯病者哀告我自去神效此秦承祖灸鬼法也即鬼哭穴人門。五尸灸乳後三寸男左女右各二七壯又灸兩太拇指頭七壯得效。一切症先仰臥灸兩乳邊斜下三寸第二肋間隨手壯得效。卒狂言鬼語以帶急合縛兩手大指便灸左右腋下對屈肋頭兩處各七壯須臾鬼自道姓名乞去徐徐問之乃解其縛得效。卒中邪魅恍惚灸鼻下人中及兩手足大指爪甲本命艾炷半在爪上半在肉上各七壯不止十四壯得效。卒狂鬼語鍼足大指爪甲下即止得效。狐魅兩手大指合縛灸合間三七壯當狐鳴即差得效。

癰疽

癰疽發病之原

榮氣不從逆於肉理乃生癰腫。○腎移寒於肝癰腫少氣脾移寒於肝癰腫筋。○諸癰腫筋攣骨痛此寒氣之腫八風之變也。○膏染之變足生大丁受如持虛內經。○帝曰癰

疽何別之岐伯曰榮衛皆留於經脈之中則血澀而不行不行則衛氣從之而不通壅遏而不得行故熱大熱不止熱勝則肉腐肉腐則為膿然不能陷肌膚骨髓不為焦枯五藏不為傷故命曰癰。○熱氣淳盛下陷肌膚筋髓枯內連五藏血氣竭筋骨良肉皆無餘故命曰疽。○六府不和則雷結為癰。又云三陽發病下為癰腫三陽乃足太陽膀胱經即腦疽背癰腎癰之類是也。內經。○癰疽因陰陽相滯而生蓋氣陽也血陰也血行脈內氣行脈外周流不息寒淫搏之則凝滯而行遲火熱搏之則沸騰而行速氣得邪而鬱津液稠粘為痰為飲積久滲入脈中血為之濁此陰滯陽而為癰血得邪而鬱隧道阻隔或溢或結積久溢出血外氣為之亂此陽滯於陰而為疽。○癰者壅也疽者沮也血氣壅沮寒熱不散陰滯於陽則發癰陽滯於陰則發疽所發無定處也。六府蘊熱騰出於膚肉之間其發暴盛腫而光軟皮薄以澤侵展廣大者為癰五藏蘊熱攻心乎筋骨之內其

發停蓄狀如瘡癰皮厚以堅淡白焦枯者為疽直
指○癰發於六腑若燎原之火外潰肌肉疽發於
五藏若陶室之隧內銷骨髓入門○凡鬱抑傷
心及久思消渴必發癰疽丁瘡宜慎之俗方

癰疽欲發之候

凡發熱憎寒頭痛惡心筋脉拘牽氣急
煩悶或病渴多年是皆欲發癰疽之證
也直指○諸脉浮數應當發熱而反洒淅惡寒若
有痛處當發癰腫○脉微而遲反發熱弱而數反
振寒當發癰腫○脉浮而數身體無熱形黑黑骨
中微燥不知痛之所在此人當發癰腫仲景○癰疽
皆因氣鬱而成經云氣宿于經絡與血俱澀而不
行壅結為癰疽此言七情而成三因○憤鬱不遂
志欲之人多有此疾精要○久患口
乾必生癰疽忍冬茶常服最佳俗方

癰疽名狀

潤一寸至二寸為癰二寸至五寸為癰五寸
至一尺為疽一尺至二尺為瘻體疽○未潰
色紫黑堅硬已潰深陷如巖為癰男則多發於腹
女則多發於乳也四畔生如牛唇黑硬為瘻多見

於手指之間或生於口齒肚臍其無頭面色淡紅
為癰大瘻丁瘡惡類也入門○徑一寸二寸為癰
三寸五寸腫圓赤為癰八寸為瘻得效○熱發於
皮膚之間浮腫根小至大不過一二寸者癰也東
疽○瘍有頭小瘡也
疹浮小癰疹也河間

癰疽腫痛痒之因

癰疽只是熱勝血丹心○熱勝則腫
甚則榮氣逆於肉理聚為癰膿內經○癰疽之證
皆能為痛瘡先發為腫氣血鬱積蒸肉為膿故其
痛多焉膿潰之後腫退皮寬痛必漸減而反痛者
此為虛也未潰而痛瀉之已潰而痛者補之其有
穢氣所觸者宜和解風冷所逼者宜溫散丹心○
形傷則痛氣傷則腫腫痛並作氣血俱傷癰疽不
可不痛亦不可太痛入門○皮膚微高起而堅厚
或痛或痒謂之腫有因風寒而得則腫硬色白有
因熱毒而得則嫩腫色赤東垣○凡痛痒瘡瘍癰
腫疽疹癰氣結核佛鬱甚者皆屬火熱蓋人近於

火微熱則痒熱甚則痛附近則灼而為瘡皆火之用也。人之瘡腫皆由寒熱毒氣客於經絡使血澀而不通壅結成腫風邪內作即無頭無根氣血相搏作者即有頭有根壅結盛則為膿矣瘡有痛痒痛則為實痒則為虛非謂虛為寒也正謂熱之微甚也。河間。疽發淡不痛者胃氣太虛必死蓋肉多而不不知痛也。丹心。

癰疽輕重淺深之辨

癰者其皮上薄以澤疽者上之皮天以堅上如牛領之皮此其候也。靈樞。小按即癰者病勢淺大按乃痛者病勢深此辨癰疽之法也。東垣。癰之邪淺其稽留壅遏獨在經脈之中而專攻乎外故初發時自表發熱患處便如碗如盆高腫而痛甚縱欲下陷緣正氣內固不肯受故或便秘或發渴發逆以拒之是以骨髓終不焦枯五藏終不傷也。疽之邪深其稽留壅遏內連五藏而不專攻于外故身體或無熱患處或不腫痛甚者聲嘶氣脫眼黑眼小十指

腫黑如墨多成也。綱目。凡癰疽惡核男以左邊為重女以右邊為重直指。癰疽證以有熱無熱為成生妙訣蓋陽證有熱則氣血行而生肌陰證無熱則氣血滯而不斂是以有實熱者易治虛寒者難治。入門。初發時身體便熱患處亦熱腫大而高多生疼痛破後肉色紅紫此為外發癰大如盆碗必生初發時身體無熱患處亦不熱數日之間漸漸開大不腫不高不痛低陷而壞爛破後肉色紫黑此為內發必死蓋未發之前藏府已先潰爛矣。得效。癰疽腫高而軟者發於血脈腫下而堅者發於筋脈肉色不變者發於骨髓。東垣。

定癰疽成之部分

身有五部伏兔一穴名腓二腓者腦之地。海。不可患癰者七處眼後虛處。頤接骨處。陰根上毛間腠與尻骨接處。耳門前後車骨接處。諸因小腹風水所成癰疽。頤骨下近

耳後虛處。鼻骨中並能害人。惟眼後虛處最險。有子。發腦發鬢發眉發頤發背謂之五發。至險。凡眼不見瘡皆惡入門。發於喉舌頭面腦項肩背胛腹四肢大節女子妬乳數者為險。他處為緩。直指。俗以癰疽瘰疔於癰疽之列。豈知瘰疔與癰。癰不過癰疽之一物乎。直指。背雖膀胱督脈所主。然五藏皆系於背。或醇酒厚味。或鬱怒房勞。以致水枯火炎。痰凝氣滯。與毒相搏。隨處發生。入門。

癰疽當分內外

癰疽發於內者。當審藏府。如中府隱隱屬心。期門屬肝。章門屬脾。京門屬腎。中脘屬胃。天樞屬大腸。關元屬小腸。丹田屬三焦。若有上證皆倣此辨之。靈樞。發於腔子之內者。曰內疽。曰肺癰。心癰。肝癰。腎癰。胃脘癰。腸癰。發於腔子之外者。曰腦發。背發。鬢發。眉發。頤發。額發。髭發。腋發。穿當發。下部也。腿發。喉癰。臍癰。驍馬癰。囊癰。乳癰。

傳正也

癰疽當分經絡

肺癰。手太陰經。心癰。手少陰經。肝癰。足厥陰經。脾癰。足太陰經。督癰。足太陽經。胃脘癰。足陽明經。腸癰。手太陽經。足陽明經。腦癰。督脈與足太陽經。背癰。中屬督脈。左右足太陽經。鬢癰。手足少陽經。眉癰。手足太陽經。與手足少陽經。頤癰。手足陽明經。額癰。手足陽明經。髭癰。手足陽明經。腋癰。手太陽經。穿當癰。督衝任三脈。腿癰。表足三陽經。裏足三陰經。喉癰。任脈與足陽明經。臍癰。任脈與足陽明經。乳癰。內足陽明經。外足少陰經。正傳。六陽經六陰經。分布周身。有多氣少血者。有多血少氣者。有氣血俱多者。不可一槩論也。何則。諸經惟少陽厥陰經之生癰疽。理宜預防。以其多氣少血也。其血本少。肌肉難長。瘡久未合。必成危證。苟不知此。妄用驅毒利藥。以伐其陰。分之血。禍不旋踵。丹心。

癰疽脈

數脈不時則生惡瘡也。仲景。癰疽浮數惡寒發熱。若有痛處。癰疽所發脈數發熱。而疼者。陽

不數不熱不疼陰瘡發癰之脈弦洪相搏沈細而直肺肝俱數脈訣。陰滯于陽則發癰陽滯于陰則發疽此二毒發無定處當以脈別之浮洪滑為陽微沈緩瀉為陰精義。脈數身無熱內有膿一作癰也。云腹無積聚身無熱脈數此為腸中有膿脈經。脈滑而數數則為熱滑則為實滑則主榮數則主衛榮衛相干則結為癰熱之所過則為膿也脈經。瘡疽之人膿血大泄而脈滑大數者難治也凡瘦膿多或邪清消脈滑大散而寒熱發渴者治之無功也精義。患肺癰者咳唾膿血脈見洪滑治之難痊矣精義。癰疽已決去其膿而煩夜尚未全退其脈洪鹿又難為力直指。癰疽脈來滯澀但得和緩為平若洪鹿則銳毒不收鮮有濟也直指。

癰疽難治不治證

凡癰疽初發腫硬而高者毒氣卻淺其證屬陽雖急而易治若初發如粟粒如豆許與肉俱平或作赤色時覺痒痛慎勿爪破此乃為疽其證屬陰毒氣內蓄勢雖緩而難治

仲景。始發便熱腫大作痛此為外發雖大如盆百治百活自始發不熱不痛低陷而壞爛此為內發難治必死精要。癰者壅也為陽屬六府易治疽者沮也為陰屬五藏難治入門。難治有六證兩臉紅似胚染心病淡。得之久全不腫痛乃藏府受病淡。病處硬如牛領皮又如石楠狀用藥不軟者病淡。病人無時喜笑乃神氣奪病淡。瘡口小內潤常出青白膿汁不痛者內壞病淡。貼膏藥後出鮮血黑血間雜血病深得效。癰疽有實熱者易治虛寒有邪熱者難治醫鑑。

癰疽辨膿有無及淺深

腫上熱者為有膿無膿以手掩膿仲景。按而後痛者其膿淡小按即痛者其膿淺按之軟而即復者有膿按之強而不復者無膿得效。按之堅硬未有膿也按之半軟半硬已有膿也宜急破之半軟謂中央膿處半硬謂四方腫肉精要。用手按之熱則有膿不熱則無膿重按乃痛膿之深也輕按即痛膿之淺也按之不甚痛

者未成膿也按之即復者有膿也按之不復者無膿也非也必是水也入門。以手掩上大熱者膿成自軟也若其上薄皮剥起者膿淺也其腫不甚熱者膿未成也若患癰癰結核寒熱發渴經久不消者其人面色萎黃被熱上蒸已成膿也入門。血熱肉敗榮衛不行必將為膿內經。瘡瘍皆為火熱而反腐出膿水者猶穀肉果菜熱極腐爛而潰為汚水也潰而腐爛水之化也熱勝血則為膿也河間。腫硬膿稠者為實腫軟膿稀者為虛敗膿不去加白芷不可用白朮蓋白朮能生膿故也醫鑿

癰疽發暈

俗以腫痕所至為暈非真暈也暈生於瘡口之傍狀如紅暈一暈二暈三暈尚可四暈五暈者必入門。真暈生瘡口之傍如紅筋之狀纔見暈則非羨證矣一暈二暈以至三暈尚可措手若四暈五暈是藏府蘊受。銑毒斷難醫直指

癰疽成證

癰發於喉中名曰猛疽不治化為膿膿不瀉塞咽半日死。發於頸名天疽其癰大而赤黑不急治則熱氣下入淵腋前傷任脈內熏肝肺十餘日而死。陽氣大發消腦髓項名曰腦燦痛如鍼刺煩心者死不可治。發於臂名曰井疽狀如大豆三四日起不早治下入腹不治七日死。發於膺名曰甘疽色青狀如穀實瓜萋常苦寒熱不急治十歲死後出膿。發於尻名曰銳疽其狀赤堅大急治之不治二十日死。發於足上下名曰四搖六狀大癰不急治之百日死。發於足傍名曰厲疽其狀不大初從小指發急治之去其黑者黑不消輒益不治百日死。發於足指名曰脫疽其狀赤黑者死不治不赤黑者不久治之不可治也發於陽者百日死發於陰者二十日死陽謂諸節之背陰謂諸節之胸臑間應者內發透外也

靈樞

癰疽善惡證

癰疽破潰後善證有五惡證有九。動息也。神彩精明語聲清朗三善也。膿清腫消色鮮不臭四善也。體氣和平五善也。眼白睛黑而目緊小一惡也。不能飲食納藥而嘔食不知味二惡也。腹痛渴甚三惡也。肩背不使四肢沈重四惡也。聲嘶色脫唇鼻青黑面目四肢浮腫五惡也。煩躁時嗽泄利無度小便如淋六惡也。膿血大泄焮痛尤甚膿色敗臭氣不可近七惡也。喘喘短氣恍惚嗜臥八惡也。未潰先黑陷下面青唇黑便汚者九惡也。五善見三則吉九逆見六則危。精要。服白睛黑眼小是一逆也。納藥而嘔是二逆也。腹痛渴甚是三逆也。肩項中不便。是四逆也。聲嘶色脫是五逆也。無此五者為順。靈驗。夏有氣噫痞塞咳嗽身冷自汗無時。目眩耳聾恍惚驚悸言語顛倒皆是惡證。精要。

治癰疽大法

初覺則散腫內消已潰則排膿斂毒膿盡則去腐內塞惡肉盡則生肌付亦此定則

也。直指。○癰之初發當以黎古法為主。表者散之裏者下之。火以灸之藥以敷之。膿未成者必消膿已成者速潰也。○疽之初發當以消子法為主。補填藏府令實勿命下陷之邪。蔓延外以火灸引邪透出使有穴歸者而不亂則可轉死回生。變凶為吉矣。綱目。○內疎黃連湯千金漏蘆湯主陽癰焮腫向內內托復煎散絕然奪命丹治陰疽毒入中丹心。○瘡瘍者火之屬須分內外若脈沈實當先疎其內以淵其源若脈浮大當先托裏恐邪氣入內有內外之中者邪氣至甚遇絕經絡故發癰腫治法大要須明托裏疏通行榮衛二法易老。○癰疽初發氣實者急服五香連翹湯千金漏蘆湯。年必壯實者可服五利大黃湯化毒丹取通利一二行若膿成敗潰宜服五香湯托裏散精義。○外證宜表散宜黃連消毒散內托羌活湯內證宜疎導宜內疎黃連湯仙方活命飲輕者清熱消毒飲若發表攻裏兼行宜防風通聖散。方見五香連翹湯入門。○血得溫則流行氣得溫則和暢服餌貼

付藥用和_平直指。大凡癰疽惟藉有熱則發熱，則氣血行，冷則氣血滯，遇有熱者切不可退熱，但用溫藥以微涼，少_十濟之，直指。

內疎黃連湯

治癰疽脉洪，_二作沈，實發熱煩躁，藏府祕澀，當先通利，宜用此。大黃二錢，連翹赤芍藥各一錢，半黃連黃芩當歸梔子檳榔各一錢，木香薄荷倍梗甘艸各五分，右剉作一貼，水煎服，以通利為度，丹心。

千金漏蘆湯

治癰疽發背熱毒惡腫，大黃二錢，漏蘆連翹麻黃升麻赤芍藥黃芩枳殼白蘇白芩甘艸各八分，右剉作一貼，水煎服，以通利為度，_{同春}。

內托復煎散

治陰疽纏結於內，恐侵藏府，須內托以救其裏，使榮衛俱行，邪氣不令內侵。蒼朮八兩，防風一兩，地骨皮黃芩赤茯苓赤芍藥人參黃芪白朮桂皮當歸防己甘艸各五錢，右剉先

將蒼朮水五升煎至三升，去朮入諸藥，再煎至二升，四盞作三四次終日飲之，又煎蒼朮滓如前再煎諸藥滓服之，_{正傳}。

淵然真人奪命丹

專治一切發背陰疽丁瘡惡瘡無名腫毒，服之便起發，有頭不痛者，服之便痛，已成者服之立愈。此乃惡證藥中至寶也。雄黃三錢，蟾酥飛則酒化，乳香沒藥銅綠各二錢，血竭膽礬寒水石各一錢，輕粉麝香龍腦各半錢，蝸牛研作泥和丸，菘苳大若丸不就以酒煮麪糊和為丸，朱砂末二錢為衣，每服只二九，先以蔥白二三寸病人嚼爛吐在手心，男左女右將藥丸在蔥內以熱酒三四盞送下，衣服蓋覆約入行五里久再以此熱酒數盞助藥力發熱汗大出為度，如無汗再服二九，丹心。一名飛龍奪命丹，_{醫鑑}。

五香連翹湯

治癰疽瘡癤癰腫結核一切毒腫，大黃一錢，連翹射干獨活升麻桑寄生沈香

藿香木香丁香甘艸各七分麝香二分
右剉作一貼水煎服以利為度丹心

五利大黃湯

治年少壯患癰疽氣血盛多一二便秘澀
大黃煨二錢黃芩升麻梔子枳實各一
錢二分右剉作一貼水
煎服以利為度精義

化毒丹

治百種惡瘡毒腫初覺宜服草烏醋浸炮浮
石燒赤醋淬七次別研各一兩乳香沒藥各
五錢別研巴豆去皮四十九箇別研右末醋麪糊
和丸如豌豆大冷酒下五丸或七丸以利為度精義

托裏散

治癰疽潰後久未收斂以此補托人參黃芪
各二錢白朮陳皮當歸熟地黃白茯苓白芍
藥各一錢半甘艸一錢
右剉作一貼水煎服

黃連消毒散

治癰疽發腦發背腫毒焮發麻木不痛
疔先灸之服此藥黃連羌活各一錢一
分黃芩黃柏蒙本防己桔梗各七分生地黃知母
獨活防風連翹當歸尾各六分人參甘艸各五分

蘇木陳皮澤瀉黃芪各四分右剉作一貼水煎服
入門元好問嗜酒腦下項上出小瘡不痛痒四
日後腦項麻木腫勢外散熱毒焮發夜不得寐
東垣治之先灸艾百壯如覺痛次製此藥服之而
愈一名黃連
消毒飲東垣

內托羌活湯

治足太陽經尻臀發癰疽堅硬腫痛
羌活黃柏酒製各一錢黃芪一錢半防
風蒙本當歸尾各一錢連翹蒼朮陳皮甘艸各五
分肉桂三分右剉作一貼水一盞酒一盞同煎服
東垣

仙方活命飲

治一切癰疽毒腫未成者內消已成者
即潰排膿止痛消毒之聖藥也大黃五
錢金銀花三錢當歸尾皂角刺陳皮各一錢半乳
香貝母天花粉白芷赤芍藥甘艸節各一錢防風
七分沒藥五分穿山甲三片燒別研右剉作一貼
用好酒入瓦罐封口煎熟隨瘡上下飲之服後再

飲酒一二盃，臥而睡，忌酸物、鐵器。如在背脊、
角刺，為君。在腹、白芷為君。在四肢，金銀花為君。在
清熱消毒飲 治癰疽、陽證、腫痛、熱渴。金銀花二錢，赤
芍藥、生地、黃川芎各一錢，牛當歸、黃連
山梔、連翹、甘艸各一錢，右
剉作一貼，水煎服，入門。

癰疽內托法

癰疽因積毒在藏府，當先助胃壯氣，使根
本堅固，而以行經活血藥為佐，參以經絡
時令，使毒氣外發。施治之早，可以內消。此內托之
意也。正傳：一切瘡腫始覺，患起高腫五七日，忽
平陷者，是內攻之候，急以內托散及內補湯藥補
填藏府，令實最妙。透膜膜穿，十無一生矣。劉涓子
○癰疽初生，一二日便覺脈沈細而煩悶，邪毒猛
暴恍惚不寧，外證深沈者，當用托裏散。方見上內
托散精義 ○癰疽焮于外，根盤不深，形證在表，其
脈多浮，非氣盛則必侵于內，急須內托。宜復煎散
方見上除溼散，使胃氣和，李榮備俱行，則邪氣
不能內侵也。河間 ○托裏宜用十宣散加味十奇

散千金內消散托裏消毒散千金托裏散芎歸托
裏散內托千金散仙傳化毒湯托裏黃芪湯托裏
扶苓湯穿山甲散秘方奪命散 ○癰疽經久不差
氣血漸衰，膿汁清稀，瘡口不合，外證不明，宜托
裏膿未成者，使膿速成，膿已潰者，使新肉早生，血
氣虛者，補之，陰陽不和者，調之。大抵托裏之法，使
瘡無變壞之
證矣。精義

十宣散

治一切癰疽瘡癤，已成者速潰，未成者速散，
敗膿自出，惡肉自去，止痛，生肌，其效如
神。人參、黃芪、鹽水浸蒸，焙當歸酒洗，厚朴薑製，桔
梗肉桂、川芎、防風、白芷、甘艸各等分，為末，每三錢
溫酒調服，不飲酒者，木香湯調下。精要 ○一名千
金內托散。醫鑑 ○一名排膿內補散，一名護壁都
尉服之，去舊生新，得效。冬寒宜
用夏月內托復煎散為佳。八門

內托散

治癰疽潰後內虛，或氣弱人，生瘡即
上十宣散加白芍藥一味也。精義

東醫圖書集成醫部全錄卷一百一十一

四十八

加味十奇散

治癰疽已成未成服之，內消，或年衰氣弱，者尤宜。當歸、肉桂、人參、黃芪、川芎、白芷、防風、桔梗、厚朴、甘艸、乳香、沒藥、各等分。右為末，每二三錢，溫酒調服，不飲酒，麥門冬湯調下。一名固壘元帥，即上十宣散也。乳香、沒藥，藥二味也。得效。

升陽益胃散

治腦疽背癰，一切惡瘡，能內托。連翹、二錢、羌活、藁本、黃芪、炙甘草、各一錢、半、知母、生地、黃黃、芩、桔梗、生甘草、各一錢、澤瀉、七分、獨活、防風、黃連、黃柏、人參、陳皮、當歸、梢蘇、木酒、防已、各五分。右剉作二貼，每一貼水二大盞，浸半日，煎至一盞，滴酒數十點，去滓，臨臥溫服，忌飲水。三日內服之，立消。作膿者，立潰。此方陽藥七分，陰藥三分，勝十宣散。一名復煎散，或加乳香、沒藥，各一錢，尤妙。東垣。此方與黃連消毒散略同。東垣。

千金內消散

治癰疽及腸癰，疔癰，便毒，初起，即消。已腫，即潰。血從大便出，出大黃二錢，金銀

花二錢、當歸、尾酒洗、一錢、半、赤芍、藥白芷、木鼈子、去殼、沒藥、乳香、皂角刺、白僵蚕、瓜蒌仁、天花粉、各一錢、甘艸、節五分、穿山甲、三、大片、蛤粉、炒、右剉作一貼，酒水相半，煎服。醫鑿。此方與仙方活命飲略同。醫鑿。

托裏消毒散

凡癰疽服此，則未成，即消；已成，即潰。能壯氣、血、使毒氣不致內攻、肌肉易生。金銀花、陳皮、各三錢、黃芪、鹽水炒、天花粉、各二錢、防風、當歸、川芎、白芷、桔梗、厚朴、穿山甲、炒、焦、皂角刺、炒、各一錢。右剉作二貼，每一貼酒水相半，煎服。病在下，只用水煎。醫鑿。

內托千金散

治一切癰疽惡瘡，能內托。金銀花、人參、皮、桔梗、防風、甘艸、各一錢、右剉作一貼，水煎，去滓，入酒半盞，調服。日二服，後瘡口有黑血出，或遍身汗出，是藥之功效也。丹心。

仙傳化毒湯

治癰疽發背乳癰一切無名腫毒未成
立消已成立潰金銀花天花粉各一錢
二分防風黃芩甘州節白芍藥赤茯苓貝母連翹
白芷各一錢半夏七分乳香沒藥各五分右剉作
一貼酒水相
半煎服同春

托裏黃芪湯

治癰疽潰後膿多出內虛人參黃芪當
歸桂皮白茯苓遠志麥門冬五味子各
一錢右麗末水煎
服或煎湯服精義

托裏茯苓湯

治同上白茯苓黃芪當歸各一錢二分
白芍藥防風桔梗梗五味子川芎麥門冬
桂皮熟地黃甘州各七分
右剉作一貼水煎服精義

穿山甲散

治癰疽托毒排膿及五毒附骨在藏府托
裏出毒氣止痛內消蜂房一兩蛇退穿山
甲油髮灰各二錢半右為末每服二
錢入乳香末半錢煖酒調下直指

祕方奪命散

治一切癰疽無名惡瘡能內托食自消
天花粉二錢穿山甲蛤粉炒赤芍藥甘
州節各一錢防風白芷皂角刺金銀花陳皮各七
分當歸尾貝母乳香各五分右剉作一貼好酒一
大碗煎
服丹心

陰疽起發法

凡背發大瘡惟發熱則謂之背若不發熱
皆癰也其有陰證於五藏內發者却又沈
晦無熱直指
靈樞 ○ 疽者上之皮天以堅如牛領之皮
處不熱生服當歸酒以排膿內補散
味不換金正氣散方見下
肉為養蒼麥麩能發起可煮食之如更不發起可
用穿山甲頭切片蘸醋焦炒生人牙煨各二錢半
右為末分兩貼用辣桂當歸麻黃煎酒調服外取
薑汁和麩厚塗患處直指
飲祕方奪命散仙傳化毒湯
血散狗寶丸賽命丹外用四虎散付之
陰疽宜服仙方活命
雞

東醫寶鑑卷之九

五十一

當歸酒

治陰疽，辣桂五錢，當歸四錢，木香白芷各二錢，右剉分二貼，每取一貼，酒煎去滓，入乳香未半，錢調服。直指。

雞血散

治癰疽陰證，赤雄雞剪去冠尖少許，倒提滴血，瘡上血盡再換，不過五六雞，痛止毒消，其瘡自愈。內以人參六兩，分六貼，盡日煎服。入門。

狗寶丸

專治癰疽發背，附骨諸般惡腫，將發時先覺口中煩渴，四肢沈重，遍身壯熱，乃其候也。此藥主之，粉霜黃蠟各三兩，硃砂五錢，蟾酥輕粉雄黃狗寶，瘰癧狗腹中得之，乳香烏金石，即石炭，沒藥各一錢，麝香一分，金頭蜈蚣七條，黑狗膽臘月者，一箇，鯉魚膽臘月者，一箇，初男乳一合，右為末，先將乳汁蠟放在罐內，慢火化開，次將各藥末和成劑丸，如菉豆大，每三九至五九，用白丁香七箇，研爛，和新波水送下，少頃，以熱葱白粥投之，衣被蓋定，汗出為效。如無此藥，以淵然真人奪命丹。方見上。

代之丹心。一名寸金丹，二名返魂丹，三名再生丸，四名追命丹，五名延壽丹，六名來甦丸，七名知命丸，八名得道丸。若有瘡身未爛，服三九，則便活。如瘰癧口乾，開牙關，研下三九，立生，非人勿示。精義。

賽命丹

治癰疽發背，疔瘡，乳癰，魚口，便毒，一切無名腫毒，賽飛龍奪命丹。方見下。蟾酥朱砂雄黃膽礬血竭乳香沒藥各三錢，蜈蚣麝香各五分，細辛全蝎蟬退穿山甲白僵蚕猪牙皂角各六錢，白礬以信石少許同煎去信石片腦各五分，右為末，端午日以酒糊和丸，菉豆大，每三九以蔥酒一小鍾吞下，被蓋出汗，或吐，或不汗，再服，白粥調理。入門。

四虎散

治癰疽腫硬如牛，額皮按之方痛，天南星艸烏半夏生狼毒各等分，右為末，醋蜜調付，雷頭出毒氣。直指。

癰疽五發證

發腦發鬢發眉發頤發背是為五發，至險其證皆令人頭痛惡心寒熱氣急拘攣宜。

五香散五香湯直指。○正腦上一處起為腦癰及腦疽腦鑠並在大顛骨上入髮際生。○腦癰皮起易得破穴急破出膿不害。○腦疽皮厚難得破穴須急發內毒使破穴方可。○腦鑠初起如橫木色青黑如靴皮大硬不見膿難愈。○左右鬢生癰疽是為鬢發亦危篤。左右額角及太陽穴生皆同。○左右眉稜發為發眉亦重。○鼻下人中及下頤發為發頤亦曰發髭亦害人。○背後五藏俞分生癰疽是為發背最重指子。○究其病源有風有氣有食有藥毒有勞損即房勞。風則多痒氣則多痛食則發寒熱藥毒則堅硬勞損則瘦弱風氣食三種易癢宜二香散藥毒勞損二者難醫直指。○外因四氣宜服黃甘散連翹敗毒散蒼朮復煎散方見。○內因七情宜遠志酒獨勝散。○不內外因藥毒房勞宜國老膏槐花酒。○金石藥毒之發則堅硬如石不痛宜甘豆湯方見解毒蠟礬丸。○虛勞瘦弱榮衛不調患處重者如負石不可用香燥疏泄之藥宜腎氣丸方見虛勞托裏散。方見上。○丹

心。○五發證喉腫作痛煩渴引冷宜黃連消毒散方見上。當歸羌活湯清熱消毒飲方見上。○若腫痛口渴好飲熱湯為腎虛陽火熾宜托裏消毒散方見上。托裏益氣湯腎氣丸。○若色黯不潰不斂為陰精消涸名腦燥不治。○發鬢因怒火宜柴胡清肝湯鬱怒者十六味流氣飲方見氣門。甚者仙方活命飲方見上。入門。○發頤最險毒氣灌注頭面腫大可畏牙齒亦脫宜內疎黃連湯千金漏蘆湯二方見上。入門。

○通用玄靈散活心

五香散

治陰陽之氣鬱結不消結核腫痛或似癰者使人寒熱頭痛木香丁香香沈香乳香麝香各等分為麝末每取二三錢水煎服。

○一方無麝香有藿香周方

五香湯

凡癰疽因血凝氣滯而生氣血聞香則行故宜用此透達經絡木香沈香丁香香乳香麝香甘草各五分人參黃芪犀角屑各一錢右剉作一貼水煎服或為末點服綱目

一香散

治癰疽因風氣食三證而生通服此調暢胃氣益智仁縮砂仁各三錢木香藿香白豆蔻白茯苓半夏麝厚朴陳皮蒼朮甘艸各一錢半丁香七分半右為麈末每服三錢薑五片棗二枚同水煎服

黃甘散

治外因四氣生癰疽大黃半生半熟甘艸節各等分右為末每二錢空心酒調服以利為

心丹度

連翹敗毒散

治癰疽初發憎寒壯熱甚者頭痛拘急狀似傷寒四五日前一二服輕者自消若不消宜服仙方活命飲羌活獨活柴胡前胡桔梗川芎赤茯苓金銀花枳殼連翹防風荆芥薄荷甘艸各七分右剉作一貼入薑二片水煎服

遠志酒

治七情內鬱成癰疽遠志酒浸去心為末溫酒一盞調末二錢澄清取飲以滓傳患處

有血陰毒在皮則不痛而傳此即痛。有七情內鬱則痛不可忍而傳此即不痛。或蘊熱內鬱則手不可近傳此必清涼三四

獨勝散

治癰疽結硬聚毒作痛蓋此疾多因怒氣得之互服此香附子枳殼去皮毛淨薑汁液一宿晒乾為末每二錢白湯調下或甘艸紫蘇葉煎湯調下數服腫硬自消有膿即出

國老膏

治癰疽能消腫逐毒使不內攻大甘艸一斤槌碎河水浸一宿揉令漿汁濃盡去筋滓用絹濾過以銀石器慢火熬成膏分六次溫酒或白湯調下能疏導惡毒

槐花酒

治百種瘡毒初覺五發癰疽雖有大勢服此即退槐花四兩炒香入清酒二碗煎數沸去滓盡服即消若未消再進一服

蠟礬丸

治癰疽發背癰癢瘡惡瘡衛護內膜驅解諸毒自然內消如因藥毒發疽非此莫治黃

蠟二兩入明白礬末四兩衆手和勻作丸梧子大
每三十九丸溫酒或熱水下日三服內疽腸癰尤效
入門

當歸羌活湯

治五發癰疽膏癩熱鬱者最宜當歸黃
芩黃連並酒製各一錢半酒黃栢連翹
防風羌活梔子甘州各七分獨活藁本各五分澤
瀉三分右剉作一貼水浸半日入酒一匙煎熱服
日二次三日盡六服卻將藥清汁
調下木香檳榔末各一錢入門

托裏益氣湯

治癰疽肉色不變或潰而不斂一切虛
證白朮二錢人參白朮茯苓貝母陳皮香
附子白芍藥熟地黃當歸各一錢桔梗
甘州各五分右剉作一貼水煎服入門

柴胡清肝湯

治鬚疽及肝膽三焦風熱怒火以致耳
項胃乳脇肋腫痛寒熱柴胡二錢梔子
一錢半黃芩人參川芎青皮各一錢連翹桔
梗各八分甘州五分右剉作一貼水煎服入門

玄靈散

治五發癰疽及諸般疔腫魚臍惡瘡腫毒務
發艸一兩繭七箇燒灰乳香二錢右爲末每
取二錢好熱酒調服連
進三貼得汗爲效活心

癰疽作穴出膿法

癰疽已作膿而頭不破膿不出宜
用替鍼丸透膿散麝香散涌泉膏射
膿丸打膿散隔皮取膿法○鍼後閉合脹痛宜追
毒餅○破穴入毒水作痛宜去水膏○凡癰疽膿
成未破於上薄皮剝起者即當用破頭代鍼之劑
安其上膿出之後乃用搜膿化毒之藥取效如神
矣精義

替鍼丸

治癰疽膿成未破或膿出不快先以石灰五
升爐灰二三升水五升淋取汁入鍋內熬至三
五升瓦器盛貯臨時用時以小盞盛取半盞濃汁卻
用皮紙貼盞中濃汁面上安定然後取糯米十四
粒放在紙上經一宿取用白丁香碾砂沒藥乳香
各一字右細末入糯米研勻丸如麥粒大每用一

粒用津貼瘡頭即破膿出若膿滯不快則
取一粒納瘡口使膿不滯好肉易生精要

替鍼丸

潰膿出

三四

治同上白丁香二十粒硃砂沒藥陳倉米各
一字右研勻以米飯和丸粟米大貼瘡上即

透膿散

治諸癰瘡及附骨疽不潰者不用鍼刀一服
即破出膿取出蛾螻蟻殼燒存性好酒調下

時許便出瘡口服一枚出一
口服兩枚出兩口神效入門

麝香散

治癰疽已結而頭不破白丁香研一錢斑猫
去頭足翅一錢半龍腦麝香各少許右為末

醋調少許點瘡頭上立破
急以黃連湯洗去之直指

涌泉膏

治癰疽軟而瘡頭不破或已破而瘡頭腫結
無膿者斑猫去毒焙右為末研和蒜膏如小

豆許點在膏藥中准瘡口處
貼之少頃膿出即去藥直指

射膿丸

白礬灰一錢黃丹一字砒礬五分右為末麝
糊和杵作錠子粘在瘡頭上膿自潰出入門

打膿散

治癰疽不脫膿出大黃五錢芒硝一錢半金
銀花黃芩黃連黃栢當歸尾各五分甘草節

穿山甲焦各三分半木鼈子虛者三箇實者五箇
右剉作一貼水煎五更服大便見膿小使見血為

效入門

隔皮取膿法

驢蹄肉焙蕎麥粉炒各一兩白鹽五錢
草烏四錢右為末水調作餅慢火炙微

黃色去火毒為末醋調成膏攤厚紙上貼患處
水自毛孔而出其腫自退諸般腫毒皆效入門

追毒餅

諸惡瘡因鍼後又閉合脹痛不可忍用此放
入瘡中永不閉膿水自出雄黃雌黃朱砂各

一錢砒礬半錢輕粉少許右細末糯米糊和丸
麥子大極瘡口中膿水自出瘡自乾好得效

去水膏

癰疽破穴後誤入諸毒水以致聾痛砂糖糯
米粉各七錢半甘州生末二錢半右入熟水

少許為膏攤絹上貼之毒水自出驅毒
馬汗及尿糞一切毒水皆治之直指

盪洗方

治同上露蜂房白芷苦參川椒右煎湯溫洗如熱焮加荊芥穗直指

癰疽排膿生肌法

癰疽潰後氣血大虛惟恐毒陷托裏之法不可一且缺也宜用十宣散托

裏散二方見上托裏和中湯芎歸托裏散聖愈湯蓋托裏則毒飲加味十全湯神效托裏散聖愈湯蓋托裏則氣血壯而脾胃盛膿穢自排毒氣自解皮肉自去新肉自生瘡口自斂矣入門○瘡肉不斂由於肌肉不生肌肉不生由於腐肉不去腐肉不去由於脾胃不壯氣血不旺必以補托為主而佐以行經活血之藥則新肉自生皮肉自潰又何待於點耶入門○凡膿血出多陰陽兩虛十全大補湯方見虛癆補氣血進飲食有回生起死之功但不分經絡不載時令醫者觸類而長之可也或見腫平痛寬遂以為安慢不知省無補養調攝之功愈後虛證復見因而轉成他病者多矣丹溪

托裏和中湯

治癰疽潰後氣虛飲食少思或嘔吐泄瀉久不收斂人參白朮各一錢半黃芪

白茯苓乾薑炮陳皮半夏各一錢木香甘州炙各五分右剉作一貼入薑三片棗二枚水煎服入門

芎歸托裏散

托裏排膿生肌川芎當歸白芍藥酒炒

白茯苓木香白芷各一錢二分人參桂丁香甘州生各七分右剉作一貼水煎服或為末每二錢米飲調下直指

加味十全湯

治癰疽潰後補氣血進飲食排膿生肌黃芪酒蒸熟地黃當歸川芎人參白茯苓

各八分右剉作一貼入薑一棗一木煎服得效

神效托裏散

治癰疽腫毒能托裏排膿黃芪忍冬草

各二三錢當歸二錢甘州一錢右剉作一貼酒水煎服正傳

聖愈湯

治癰疽膿水出多心煩少睡能托裏補氣血熟地黃生地黃川芎人參各二錢當歸黃芪

各一錢右剉作一貼水煎服東垣

托裏消毒飲

治癰疽潰後元氣虛弱久未收斂乃去腐生新之良劑也又治陰疽不潰發入

參黃芪白芍藥當歸白朮白茯苓陳皮連翹金銀花各一錢白芷甘艸各五分右剉作一貼水煎服入門

癰疽瘡口深大方

深山黃牛糞塞滿瘡內藤紙貼上三四日後去之最妙深山黃牛喫

百艸故入藥○又白芷大腹皮露蜂房煎湯淋洗拭乾以黃桑葉晒為細末散糝其中常服排膿肉補散即十宣散飲醇酒食

肥肉自然生肌易合直指

癰疽去惡肉方

癰疽惡瘡中有惡肉若不去則好肉不生瘡口不合安用藥消蝕之翠霞散

黃散皆可○癰疽惡瘡有死肉不去者白丁香諸瘡巴豆膏追毒丹去惡散消蝕散鹿角散雄

梅為末淡則紙之淺則乾糝甚妙精要

巴豆膏

巴豆去殼炒焦研如膏如發背中央肉久塗之即腐末塗之生肌惡瘡膿瘡久不收斂

肉有毒根以紙燃藥納之根去即斂如元氣虛弱毒氣散漫中央肉久急服大補之劑中塗三四寸許至五六日赤黯之界自裂紋如刀割狀中央漸潰若脾胃太虛肉不知痛急補脾胃肉多復生入門

追毒丹

治癰疽黑陷者用鍼開瘡口納此丹使之潰然後去敗肉排膿隨證治之巴豆七箇去皮

心不去油研細白丁香輕粉各一錢雄黃黃丹各二錢右為末和白麪二三錢滴水丸如麥粒大鍼後納其中貼以膏藥追出膿血毒物漏瘡四壁死肌不去則不可治亦以此追毒去死肌乃養肉令愈得效

東垣醫書監維病篇七

五十七

去惡散

治癰疽及諸瘡有惡肉不能去者雄黃一錢
巴豆一箇右同研如泥入乳香沒藥末各少
許又再研勻每取少許點上惡肉即去入門諸
瘡有惡肉者膏藥內入巴豆雄黃不傷良肉只去
惡肉有灰血不去
白丁香上之東垣

消蝕散

消蝕惡肉滯虫朽骨先用洗瘡方然後付此
藥白礬枯一兩絲礬枯雄黃乳香胭脂遠志
各一錢右為末蜜水研膏付
惡肉上麻油調亦得直指

鹿角散

主癰疽瘡腫去惡肉生好肌鹿角細末醋熬
為糊貼之當頭上開孔被膠急撮膿自出盡
惡肉亦去
矣本艸

雄黃散

去諸瘡中惡肉雄黃末一錢巴豆一箇不去
皮研如泥入乳香沒藥各少許再研細點上
惡肉自去凡膏藥內入雄黃巴豆少許不傷
好肉止去惡肉諸癰瘡有惡肉者皆可去海藏

癰疽湯洗法

瘡家藏府生熱熱蒸其血血敗則肉腐肉
腐則成膿當膿血聚之時所賴朝夕洗
瘡以外舒其毒氣纔覺有膿即煖醋醃熨而破之
纔見破肉即煮藥盪射而去之稍或稽延不返掌
而侵蝕筋骨矣直指○夫湯洗之法宜通肌表發
散邪氣使瘡內消也蓋湯水有盪滌之功凡瘡腫
初生一二日須用藥湯淋射之在四肢者湯漬之
在腰腹背者淋射之在下部委曲者浴漬之如藥
二兩用水二升煎取一升半以淨布或新綿蘸藥
水稍熱湯漬患處稍涼則急令再溫勿用冷者日
用五七次以腫消痛止為驗精義○初作宜宜熱
拔毒外以洗滌角付以斂其量已潰則排膿止痛
朝夕洗滌以舒毒氣膿盡則生肌付痂次第施治
得效○猪蹄湯解毒湯洗毒湯乾艾湯選用入門
猪蹄湯凡瘡有口用此湯洗積猪蹄兩隻水三升煮
軟將汁分為兩次盪去上油及下滓卻將白
芷生甘艸羌活露蜂房黃芩芍藥當歸各一錢右
細剉投一半汁中再煎十數沸去滓以故帛蘸藥

猪蹄湯

凡瘡有口用此湯洗積猪蹄兩隻水三升煮
軟將汁分為兩次盪去上油及下滓卻將白
芷生甘艸羌活露蜂房黃芩芍藥當歸各一錢右
細剉投一半汁中再煎十數沸去滓以故帛蘸藥

湯溫洗惡物淨避風冷及穢氣
觸鼻精要。一名肉汁湯入門

解毒湯

治癰疽未破已破皆洗如成膿潰爛最要洗
淨然後用藥糝貼黃柏澤蘭甘艸荊芥赤芍

藥大黃白芷當歸獨活各二錢右細剉入葱白五
莖大棗五枚水二三升同煎去滓來溫熏洗如潰爛

入猪蹄一隻同煎用可免乾
痛。一名水師精明得效

洗毒湯

湯洗一切瘡腫苦參防風露蜂房甘艸各二
錢半右剉作一貼水煎取汁溫洗日二三精義

乾艾湯

癰疽瘡日久不合肉白而膿血少乃氣血不
調于瘡谷滯而然陳艾葉濃煎取湯逐日溫

洗仍以白膠香燒烟熏之神
異膏貼之方見雜方。精要

桑灰水

去瘡中膿血毒水桑
灰淋汁浸洗俗方

鹽湯

溫洗癰疽毒腫日
一二三次最效俗方

癰疽糝貼法

凡瘡腫初生似有頭者即貼溫熱藥引出
熱毒火就燥之義也於四畔赤爛處貼生

寒藥析伏熱勢驅逐邪惡乃撲火之義也腫皮厚
者以故軟帛或紙花子塗藥貼之腫皮薄者用疎

紗或薄紙塗藥貼之乾則換易新者宜用乳香膏
圍藥鐵井欄水澄膏沈水膏二神膏洪寶膏妙勝

散精要。貼膏藥之法瘡口有膿血不淨痂癢閉
礙須用藥水洗淨拭乾候水氣乾卻用膏貼貼後

有黃水膿血流出用紙指從側畔出一日一換黃
水膿血止二三日一換貼至愈宜用神異膏萬應

膏靈應膏太乙膏雲母膏善應膏糯米膏斂瘡散
桃花散紅玉散生肌散木香檳榔散竹筒吸毒方

得效。凡付貼之藥須
是細末則不痛直指

乳香膏

治背瘡初發赤腫而高乳香一兩青薄荷葉
四兩右研勻患處青絹蓋之如乾新水潤

之命熱毒消散減
疼免牽引浦子

圍藥

南星 艸烏黃 栢白芨 各二兩 五倍子 一兩 炒石末 水調如糊 隨四圍圍之 如墻壁可移 險處於下

鐵井欄

治一切癰疽腫毒 以此圍定不復 畔開芙蓉葉 重陽日前採 蒼耳葉 端午前採 燒存性 爲末 蜜水調

水澄膏

治癰瘡熱毒腫痛 黃連 黃栢 白芨 白斂 各四錢 雄黃 一錢 乳香 沒藥 各五分 右末 水調 雞羽掃上 腫處丹心

沈水膏

治癰疽發背 排膿 斂毒 天南星 七錢 半白芨 白芷 赤小豆 半 夏生貝母 各五錢 木鼈子 仁 乳香 沒藥 各二錢 半 雄黃 一錢 右爲末 蜜水調 付紗貼 直指

三神膏

治癰疽發背 單麻子 去殼 四十九枚 陳醋 一椀 半 鹽 一撮 右同入鍋中 熬之 槐枝攪成膏

先以朱泔洗瘡 搽上 罌頂末 成膿 卽消 已成膿 卽出膿 醫壁

洪寶膏

治一切瘰癧毒 散血消膿 天花粉 三兩 白芷 赤芍藥 各二兩 鬱金 一兩 右爲末 茶調 塗患處 乾則換 新日春

妙勝散

消腫斂毒 排膿 落地茄花 去白 黃蜀葵 花 去心 並葶藶 日乾 右爲末 井水 稀調 雞羽掃付患處 乾則再付 或收毒平散 或破潰出膿 神效 如瘡口開 用未糝 亦斂毒 不致急澀 直指

神異膏

治發背癰疽 及諸般惡毒瘡癰 貼之 其效如神 膏藥甚多 效驗無出于此 方見雜方

萬應膏

治一切瘡疽 初發 癰腫 或老瘡 不差 亦全收斂 早合貼之 神效 方見雜方

靈應膏

治五發癰疽 惡瘡 癰癧 結核 乳癰 貼之 則未成膿者 自消 已成膿者 便潰 惡肉 易去 新肉 早生 其效如神 方見雜方

東醫寶鑑雜病篇七

六十一

太乙膏

治五發癰疽一切惡瘡及蛇虎犬蝎並湯火
則蛤粉為衣。一名神
仙太乙膏方見雜方

雲母膏

治一切癰疽惡瘡腫毒折傷瘰癧骨疽內疽
乳癰肺癰腸癰並可外貼內服方見雜方
凡五發及發背外以敗蒲煎水洗瘡貼之又取一
兩作丸梧子大溫酒吞下二十九丸瘰癧骨疽亦如
之腸癰作丸甘草湯吞下膿血即愈
一切瘡疽外貼立差忌食羊血局方

善應膏

治諸般腫毒惡瘡發背癰疽瘰癧打撲閃脚
金瘡杖瘡蛇虫犬馬咬疥癬等疾並外貼內
服。內疽肺癰腸癰作
丸如上方服方見雜方

糯米膏

淨糯米三升入磁盆內於端午前四十九日
以冷水浸之一日兩度換水勿令米碎至端
午且取出用絹袋盛之風乾每旋取少許炒黑為
末冷水調成膏量瘡大小貼之絹帛包定直候瘡

愈為度乾則換常
令溼為妙入門

歛瘡散

軟滑石煨花藥石煨雞內金各五錢白芨三
錢半白歛二錢半黃丹乳香各一錢右為末
乾糝神
效直指

桃花散

治一切瘡久不合白芨白歛黃柏黃連乳香
麝香黃丹各等分右極細末糝瘡上一二三日
生肌平
滿丹心

紅玉散

治諸瘡生肌肉寒水石不以多少鹽泥包裹
火煨石為末入黃丹少許糝瘡上丹心
惡瘡血出不止寒水石
細末糝之立止東垣

生肌散

寒水石滑石龍骨無則狗頭骨代之
骨各一兩定粉密陀僧白礬灰乾胭脂各五
錢右為極細末糝之精要
一方老狗頭生腦骨
碎煨桑白皮新者一兩當歸二錢半右極細末油

東醫圖書集成雜病篇七

六十一

調付或乾
糝直指

木香檳榔散

治癰疽瘡癤潰後膿水不止肌肉不生
不斂木香檳榔黃連各等分右細末新
水調塗溼則乾糝膏梁熱瘡
所宜用。一方加黃丹局方

竹筒吸毒方

治癰疽下瘡腫毒及諸般惡瘡吸出膿
血惡水甚佳苦竹筒三箇或五箇長一
二寸許一頭留節薄削去青皮以蒼朮白朮
藜厚朴艾葉白芨茶芽各二三錢右爲鹿末將竹筒
水二升同煮十數沸乘竹筒熱以手按於瘡上候
膿血水滿自然脫落不然用手拔脫更換新筒如
此三五次其毒盡消
即付生肌膏丹心

內外分癰疽

內疽者皆因飲食之火挾七情之火相鬱
而發飲食者陰受之七情者藏府受之宜
其發在腔子而向裏非于腸胃盲膜也謂之內疽
者以其視之不見故名焉綱目○發於內者曰肺

癰心癰肝癰腎癰胃脘癰腸癰腹癰○發於外者
曰臂癰乳癰臀癰懸癰便癰囊癰附骨疽流注骨
疽疔疽○內疽施點陰膠法○服仙方活命飲方
見上○內消沃雪湯綱目○內疽用內托之藥外以
鍼開之而愈先用四物湯方見血門加桔梗香附
生薑煎服潰後亦用四物調理雲母膏太乙膏作
丸兼服丹心

點陰膠法

欲知內疽所在點陰膠少許於口中即知
藏府所起直達至住處知痛足可醫也陰
膠即是久用斲中氣垢也○雷
公云知瘡所在口點陰膠本門

肺癰

中府穴名隱隱而痛者肺疽上肉微起者肺癰也
靈樞○肺之癰喘而兩肘滿肺癰吐膿如糯米粥
咽燥振寒內經○振寒發熱寸脈滑數咳唾膿血
其人飲食起居如故此爲癰腫膿在胃中爲肺癰
其脈緊數爲膿未成緊去但數爲膿已成仲景○
肺癰吐膿後其脈短而澀者自痊浮大者難治其

面色白而反赤者此火之克金不可治丹心○大凡肺癰當咳喘短氣胃滿時唾膿血久久如糯米粥者難治其嘔膿而自止者自愈○始萌可救膿成多矣仲景○肺癰乃風寒之氣內舍於肺而作先須發表宜參蘇飲方見寒門○肺癰咳而胃膈隱痛時出濁唾腥臭實者先投參蘇飲四貼虛者先投小青龍湯四貼方見寒門○得效○肺癰口燥咽乾胃中隱痛二便赤澀咳唾膿血腥臭置之水中則沈宜用桔梗湯消膿飲葦葉湯黃昏湯五香白朮散牡丹皮湯參芪補肺湯參朮補脾湯入門○肺癰之證男子以氣為主得之者救之○婦人以血為主得之者救之○雲母膏作丸服○太乙膏亦可入門

桔梗湯

治肺癰桔梗貝母各一錢二分當歸瓜蒌薤苈仁各一錢枳殼桑白皮防風黃芪各七分杏仁百合甘州節各五分右剉作一貼入薑五片水煎服正傳

消膿飲

治肺癰嘔膿南星炮一錢射干桔梗天門冬薄荷紫蘇葉杏仁半夏防風各七分半知母貝母阿膠川芎生乾地黃桑白皮白芨白芷甘州各五分右剉作一貼薑七片烏梅一箇水煎服

葦葉湯

治肺癰心胃甲錯咳喘煩熱薤苈仁冬瓜仁桃仁各二錢剉先以葦葉一握水一盞煎取一盞去滓入三藥煎至六分去滓食後服吐膿血勿怪得效

黃昏湯

治同上夜合樹皮一掌大木州水煎服即合歡皮也

五香白朮散

治肺癰生肺金益脾土進飲食人參白朮山藥白茯苓薤苈仁白扁豆桔梗續砂蓮肉白豆蔻甘州各二錢沈香木香乳香丁香藿香各一錢右為末每三錢蘇鹽湯調下大棗湯亦可得效

牡丹皮湯

治肺癰胃乳間皆痛口吐膿血氣作腥臭牡丹皮升麻桔梗薤苈仁地榆黃芩赤芍

藥甘州生各一錢三分右
剉作一貼水煎服得效

一方 一少婦磨門潰一竅口中所咳膿血與竅相應
而出宜大補氣血以參芪當歸加退熱排膿藥
多服兼取雲母膏作丸

甘桔湯吞下而愈

參芪補肺湯

治肺癰咳吐膿血發熱作湯熟地黃一
錢半牡丹皮一錢人參黃芪白朮白茯苓
苓陳皮山茱萸當歸山藥五味子麥門冬各七
分甘州炙五分右剉作一貼薑三水煎服入門

參朮補脾湯

治肺癰吐膿血久不愈脾胃不食此藥
能補脾生肺黃芪二錢人參白朮各一
錢半陳皮當歸白茯苓各一錢麥門冬七分桔梗
六分甘州五分五味子四分升麻三分右剉作一
貼薑三水煎服入門

煎服入門

心癰

巨關穴名 隱隱而痛者心疽上肉微起者心癰也
靈樞 ○心癰者心經有熱或好飲酒或嗜熱物積

聚成熱凝滯而生先用涼血飲次服加味十奇散
方見上得效 ○心癰者於胃乳間生蜂窠癰發

靈樞經所謂一名井疽狀如豆大三四日起不早
治則入於腹七日外急用疎導心火之藥宜用清

心丸清心散內固清
心散瀉心湯入門

涼血飲

治心癰退潮止渴解熱能內消木通瞿麥荆
芥薄荷白芷天花粉赤芍藥麥門冬生乾地
黃梔子車前子連翹甘州各八分右剉作一貼
入燈心竹葉水煎服 ○一名引兵先鋒得效

清心丸

諸痛痒瘡瘍皆屬心火此藥主之黃連一兩
茯神赤茯苓各五錢右為末蜜丸梧子大朱
飲下百
丸入門

清心散

治心癰及癰疽熱證遠志赤茯苓芍藥生
乾地黃麥門冬知母甘草生各一錢右剉作
一貼入薑三棗三水煎
服加黃連尤佳入門

東醫寶鑑卷之七

內固清心散

治心癰及癰疽惡瘡煩躁以此解毒神效辰砂赤茯苓人參白豆蔻雄黃菖豆

朴硝甘艸皂角各一錢龍腦麝香各一字右為末每一錢蜜水調下入門

瀉心湯

治心癰及癰疽毒盛躁渴大黃一錢半黃連黃芩山梔子漏蘆澤蘭連翹蘇木各七分右

剉作一貼水煎服入門

肝癰

期門穴名隱隱而痛者肝疽上肉微起者肝癰也靈樞發於腋下赤堅者名曰米疽治之以及石

其堅而不潰者為馬刀挾瘦急治之靈樞○脇癰由肝心火盛宜柴胡清肝湯方見上潰後方可清

熱托裏忌熱藥入門○肝癰兩脇滿臥則驚不得小使內經○小柴胡湯隨證加減用方見寒門

腎癰 京門穴名隱隱而痛者腎疽上肉微起者腎癰也靈樞○腎癰下至小腹滿內經○腎癰乃與內

腎癰

腎相對皆由腎氣衰敗而成尖起皮赤者易安加味丸方見寒門

入皮黑者難差宜加減入味丸方見寒門

奇散方見上○得效五藏癰疽俱宜十六味流氣

飲或托裏散方見上加山梔仁黃芩杏仁連翹且

與癰疽通治法相參用入門

十六味流氣飲

治癰疽無名惡腫等疾乃表裏氣血藥也人參當歸黃芪桔梗防風木香

枳殼川芎肉桂白芍藥檳榔白芷厚朴紫蘇葉烏藥甘艸各六分右剉作一貼水煎服入門

胃脘癰

帝曰人病胃脘癰者診當何如岐伯曰診此者當候胃脈其脈當沈細沈細者氣逆也逆者人

迎甚盛甚盛則熱人迎者胃脈也逆而盛則熱聚於胃口而不行故胃脘為癰也內經○中脘穴名

屬胃隱隱痛者胃脘癰也靈樞○脈洪數者膿已成也設脈遲緊雖膿未就已有瘀血也宜急治之精義○多因飲食及七情火鬱復感風寒使熱濁

之氣填塞胃脘胃中清氣下陷故胃脈沈細惟寒氣所隔故人迎緊盛有此二脈真胃脘癰也入門

○外證寒熱如癰胃濁則肺金失養故身皮甲錯

或咳或嘔或唾膿血射干湯主之千金內消散方見上內消沃雪湯東垣托裏散皆可服又雲母膏作丸以桔梗甘草湯吞下太乙膏亦佳入門

射干湯

治胃脘癰赤芍藥二錢半射干梔子赤茯苓升麻各一錢半白朮一錢右剉作二貼水煎去滓入生地黃汁一合蜜半合再煎一沸溫服河間

內消沃雪湯

治胃脘癰及肚癰內疽神效當歸身白芍藥甘州節黃芪射干連翹白芷貝母陳皮皂角刺天花粉穿山甲金銀花木香青皮乳香沒藥各五分大黃酒製一錢半右剉作一貼酒水相半煎服醫鑿

東垣托裏散

治胃脘癰內疽及一切惡瘡疔發腫痛脈洪數弦實將欲作膿者三服消盡金銀花當歸各二錢大黃杜蠟瓜萸根皂角刺連翹枳殼各六分赤芍藥黃芩各四分右剉作一貼酒

水相半煎服入精

訂正東醫寶鑑雜病篇卷之七

